





萬里長城會戰形勢




歐戰馬納河會戰圖例
(一九一四年九月)



希土軍薩克里亞河會戰圖例
(一九二一年)





宋部所獲鋼盔等戰利品



我軍之砲隊赴前線作戰



線前赴開軍北東




隊鎗關機射高軍北東



東北軍機關鎗隊在古城前線射擊背景



何柱國部之野戰砲隊



孫殿英軍經承德赴赤峯之部隊



孫軍之機關隊開赴赤峯



我軍沿河固守



我軍之迫擊砲陣地



宋子文對學生軍演講



義軍王慎廬部進攻九門



我軍沿河固守




我軍之迫擊砲陣地




宋子文對學生軍演講



義軍王慎廬部進攻九門



揄關南門缺處被敵軍砲彈轟毀



我軍所築之深闊戰壕

二十
九軍

宋哲元血戰殺敵記目錄

第一編 中日大戰近況

- (一) 萬里長城沿線會戰近況
- (二) 萬里長城沿線最近戰況
- (三) 長城各線日軍之配置
- (四) 冷口前線視察記

第二編 二十九軍戰史

- (一) 堅苦卓絕之宋將軍
- (二) 喜峯口光榮戰史
- (三) 喜峯口空前血戰紀
- (四) 宋軍獲大批戰利品

第三編 華北各軍戰史

- (五) 宋哲元談口外作戰經過
- (六) 羅文峪空前之激戰
- (七) 宋哲元談殺敵經過
- (八) 喜峯口前線視察記
- (九) 羅文峪前線視察記
- (一) 丁喜春部凌南殉國紀痛
- (二) 萬福麟部在熱抗戰經過
- (三) 青石梁激戰記
- (四) 古北口之鏖戰

(五) 關麟激殺敵談

(六) 孫殿英軍絕塞抗敵記

(七) 梁底溝門孫軍與敵血戰

(八) 灤東前線視察記

第四編 義勇軍抗敵記

(一) 義軍王愼盧鄭桂林兩部

圍攻九門十日記

(二) 義軍鄭桂林部扼險抗敵

經過

(三) 馮占海將軍電告熱戰經過

第五編 熱河失陷痛記

(一) 熱河陷落經過

(二) 熱河淪陷原因

(三) 熱河失陷經過

(四) 承德失陷實況

(五) 熱河抗日戰事之前後

(六) 熱河歸客談

(七) 熱河創痛之痕

第六編 各界重要文電

(一) 責難文電

(二) 慰勞文電

(三) 報告文電

(四) 抗戰文電

(五) 下野文電

(六) 航空協會敬告國人書

二十九
軍戰史
宋哲元血戰殺敵記


第一編 中日大戰近況

(一) 萬里長城沿線會戰近況

(參閱萬里長城會戰形勢圖)

熱河山地會戰之結果。我主力軍於三月五日安全撤退至萬里長城古北口喜峯口
亘冷口之石門寨之線。憑藉長城沿線半永久之築城地帶死守。最近我軍以中央軍直
接增援之結果。士氣復振。遂固守此線待機轉移攻勢。十日以後。敵之挺進部隊川
原及服部兩旅團(第八第七之先遣部隊)。屢思突破我古北口及喜峯口兩據點。尤
於古北口正面。拋擲其最大限之攻擊力。結果我古北口某點卒被突破。但敵亦精疲
力盡。無法擴張其戰果。我軍判斷敵情。澈底覺悟反攻之時機已到。乃即以喜峯口

記敵殺戰軍九十二



畏。當大刀隊衝鋒時。敵軍於數尺外。多有不及抵禦。立即身首異處。但此種衝鋒。必在其不意之時。此次我軍有此三項利點。益以士兵精神饒勇。決死抵抗。故於極短時期內。獲得大勝。

解潰退。）

最近。又有我軍大舉反攻口口口之確息。若然。則我軍已由昔日之『專守防禦』。一變而為『攻勢防禦』。實不得不謂為抗日戰中最偉大樂觀之轉變。

(二) 萬里長城沿線最近戰况

(參閱我軍進出線圖)

近十日來。長城沿線戰鬥之烈。傷亡之距。均為九一八抗日戰來所未有。我軍(東北西北及中央直屬各軍所編成之抗日軍)因蔣委員北上之故。士氣振奮。漸取消極的攻勢。迭予敵服部。鈴木。及川源三旅團以重大損害。其中尤以十四五日喜峯口之戰。及十七八日羅文峪之爭。使敵受創最重。我軍傷亡。亦不下一萬二三千人。足見戰鬥激烈之一斑。現敵軍以第八師之川源旅任右翼。但任古北口附近之防禦。鈴木旅之主力。則與第七師之服部旅全部。擔任我馬關關喜峯口中央陣地之攻擊。左翼冷口界嶺口巨九門口達石河沿線之敵軍。則番號兵力均未發表。故無從探

悉。而其第十四師之平賀旅。聞亦開到承德平泉附近。暫爲預備隊。統計敵以三旅及若干騎砲支隊。約二萬人。扼守三百五十華里正面。以扼止我數師兵力之攻擊。爲勢已岌岌可危。我軍正宜乘此敵未集之前。奮迅轉移攻勢。以期一舉殲滅察哈爾沙漠至海之敵軍。茲將旬日來全線情況。摘錄如下。

左翼方面


我軍以東北軍及中央軍爲主力。自十三日古北口之戰。因張師正面被敵突破。致關師受包圍陷入市街戰。折損四五千入後。已退守上甸子石匣鎮附近。固守該線陣地。厚集兵力。爲密雲北平之屏障。

中央方面

我軍以舊西北軍宋哲元部三師爲基幹。先擊退敵服部旅對喜峯口之正面攻擊。先擊退敵鈴木旅對羅文峪之側攻擊。乘機分頭出擊。已克復若干地區。但因白刃交加奮戰至一週之久。亦傷亡五六千人。一時無力續進。現與敵對峙於馬蘭關羅文峪至喜峯口之線。

右翼方面

我軍以商震及何柱國所部任前線。據守冷口界嶺口巨石門寨至



(圖線出進軍我鬪戰旬一城長)

秦皇島之線。除冷口界嶺口方面。商部曾與一度激戰而克復若干地區外。其他各點均較平靜。

(三) 長城各線日軍之配置

A 長城之線(第一線)(一)第八師之鈴木。川原兩旅團。(二)第七師團之服部旅團。(三)第十師團之中村旅團。(四)第十四師團之平賀旅團。外加騎砲士兵若干聯隊。總數僅五旅數團兵力。約三萬人。擔任長城古北口亘喜峯口至義院口五百華里之線。平均每華里兵力僅六十人。防禦可稱脆弱之至。

B 建平赤峯之線(第二線)(一)第六師團之松田。高田兩旅團。總數僅步兵三旅騎兵一旅。兵力約一萬七八千人。擔任建平赤峯圍場沿線警戒。並監視我察邊孫殿英部。兵力極感不足。

(四) 冷口前線視察記

記者隨卮元冲。魯滌平等赴前方視察。二十七日下午二時半抵開平。第二軍團總指揮商震。蒞站歡迎。設席款待。商報告在冷口抗日經過。卮即致慰勞之意。並謂爲民族爲國家。雖犧牲而極榮譽。先總理所謂不能成功亦當成仁。抗日乃係武裝同志成仁之最好機會。定獲全國上下之熱烈援助。商語記者。承德失守。東北軍心渙散。恐受包圍。分路撤退。敵軍第三十二聯隊中村所部之米山支隊二千餘人。分乘坦克車裝甲車載重汽車共百餘輛。由凌源南凌方面。橫衝直撞。如入無人之境。嗣由大丈夫南駛。於本月四日下午。佔領冷口。本軍五日奉命前進。卮派黃光華師。星夜急行。六日克復冷口。並追出二十里外。將馬道溝陣地佔領。米山卮率部攻喜峯古北口。嗣又率部來犯冷口。迭被我軍夜襲。損失甚大。最近五六天。已不敢進攻。每晨派飛機擾亂。第一次偵察。二三四次轟炸。每次四機。投二三十彈。廿六日二十五日大風雨。前線甚沈寂。軍用電線吹斷。二十七晚修復。晚八時商陪卮魯專車赴灤州。換乘汽車經遷安赴前線。二十八上午二時抵口內某地。與黃光華。

高鴻文兩師長見面。均表示爲國犧牲之決心。黃語記者。敵機均舊式。口內村莊被轟炸甚慘。人民傷亡甚多。現已遷徙一空。我軍傷亡無幾。我有高射機關槍。敵畏憚。均在二千米達以上之高空飛翔。二十七晨用望遠鏡窺敵機。係單翼容克式。前有機關槍。此係第一次發見。在姚莊子建昌營唐丈子等處。共投六十餘彈。每彈重在二百磅以上。彈着地炸成十餘尺之深坑。敵方有砲約二十門。時向我方發射。據情報。敵已向後方請援兵並重砲。逆料一星期後。必有劇戰。卻致慰勞辭。同前。魯謂。北平地方自治指導委員募得款項甚多。前方須用何物。以便購買。黃謂。須用鞋襪大刀汽軍衛生床等物。魯允返平照辦。四時乘汽車抵冷口。即步行出口外六七里視察。陣地異常堅固縝密。東方破曉。隆隆之砲聲送入耳鼓。詢悉敵方自蕭家店發射。我方未應。六時半回抵冷口。乘汽車返灤州。十時抵開平。午刻商請帥對所部將校訓話。勉厲爲國犧牲之價值。晚七時抵津。卻定二十九晨赴平。應各大學之講演。事畢返京。(二十八日專電)

第二編 二十九軍戰史

(一) 堅苦卓絕之宋將軍

宋哲元將軍。以喋血長城之大刀制勝飛機坦克。爲蕭伯訥『科學使勇敢失效』

之語。作一有力之反證。日人自



宋 哲 元 將 軍

承喜峯口之敗。爲明治維新以來
未有之恥辱。此真吾國歷史上最
燦爛光榮之一頁也。不佞昔年于
役西北。習與西北軍士相處。談
將領中之艱苦卓絕者。無不推宋

氏爲難能可貴。至今日盤根錯節。而利器乃見。烏可不爲之紀。

宋之思想。與一般軍人截然不同。不知有所謂地盤。有所謂權勢。生平惟知服

從長官。然有一條件。禍國殃民之命令。決不能從。故頻年中原內戰。當前鋒者。宋每不與其列。且常有斡旋和平之事。知之者無不敬之。

宋之生活。與大卒絕無二致。蓋習染於馮煥章者深矣。味爽即起。訓練士兵。餐時恆在營房。以窩窩頭和鹹菜充飢而已。偶得肉食。必逢國家慶典。且與隨從之勤務同案而食。似絕無階級者然。然一迨行軍。則紀律異常森嚴。有岳家軍『取民一縷者斬』之概。所部不以其嚴厲而忌恨之。亦不以其和藹而玩視之。蓋深知將軍之威德並濟也。

宋善國術。揮大刀如龍蛇飛舞。故所部無不爛刀法。而卒以制勝強寇。蓋平日習之有素也。宋雖久歷戎行。而篤嗜詩書。恂恂儒將。絕非一般軍人所可望其項背。其尤難能者。絕無一文之私蓄。宋嘗謂人之求多金者。爲享樂計耳。若我終日蔬食惡衣。又無宮室妾媵之奉。此人之所共見。然則我之欲博多金。果何所爲。故金錢於我。固絕無緣分也。其廉潔如此。治察數月。政績卓著。如修水利興兵工勦盜

匪。皆有成績。而國防建設。尤孜孜不遺餘力。稱之爲模範軍人。爲中國震飛。誰曰不宜。

(二) 喜峯口光榮戰史

▲我軍五百健兒壯烈殉國

▲敵軍一萬餘死大刀刃下

日來喜峯口戰事。極爲激烈。我方大獲勝利。敵軍兩旅團約萬餘人。爲我宋哲元部包圍砍死，此役我前線士兵有極壯烈之犧牲。實爲民族增厚光榮。北平遼吉黑民衆後援會。前派赴喜峯口慰勞代表全紹武於十三晚返平。據談此役經過甚詳。爰記於次。

五百健兒壯烈犧牲

月之九日。萬福麟部由寬城。向喜峯口退却。敵軍

在後緊緊追隨。乘我新軍未及接防之際。遂將喜峯口山佔據。復恃勝輕敵。十三十四兩旅團全數登山。所有軍械大砲亦均搬入山中。時我軍宋哲元部。尚在遵化。聞

變立於九日晨傳令向喜峯口跑進。路程計一百五十里。至下午四時已抵長城附近。各士兵遙見日軍在城上把守。無不激憤填胸。立由前鋒部隊馮治安師挑選一營精銳士兵。於傍晚時光，各持大刀。赤臂行進。爬登城上。立即拔刀砍殺。守城日軍因猝不及備。多不待還擊。即遭砍斃。移時守城之日軍一千人。已全數斃命。而我英勇殺敵之五百士兵。亦同時犧牲。生還者僅廿餘人。此一壯烈悲劇。實爲我民族爭得偉大光榮。彌令國人景仰也。

夜襲敵營斃敵數千

當晚。各部隊集於喜峯口會商進攻策略。於當夜。

十二時夜襲敵營。各軍伏身輕進。以極敏捷之速度。猛擊其第二道防綫。是夜斃敵千餘。我方亦有傷亡。十日上午九時。敵乃下令總攻。以重砲向我陣地猛轟。其轟擊方式與歐戰時無異。發彈之密與鎗彈相若。當敵猛轟之時。我軍由原防綫向後撤退。伏地不動以待。逾三小時後。敵軍轟擊漸息。我軍乃急進至原防綫。時方天色昏沉。黃沙撲面。我軍伏進距敵三四米遠地點。取密擊式猛烈襲擊。是役又斃敵千

餘人。士氣大為振奮。

激戰一夜

將敵包圍

十日夜。我方

再度夜襲。並

派兩營士兵。

由左右。繞過

山峯進行包抄

。是夜激戰最

烈。敵措手不

及。至十日拂



曉。我由左右分進之兩團。已在敵後路董家口合圍。於是大包圍之形勢完成，方圓二十里。爲我軍團團圍住。敵軍內部混亂。軍後所置大砲十餘尊。均爲我軍奪獲。至十一日夜。敵軍砲隊完全爲我軍解決。敵方軍心頹喪異常。爭向各山間藏匿。我軍自十一夜起。連夜分派大刀隊搜索各山敵軍。俘虜中三分之二爲日軍。其餘除僞軍外，尙有鮮人雜於其間。迄十三日止。只有兩山尙未搜盡。其餘各山均已肅清。至所獲戰利品。爲數甚多。詳細數目。尙須一二日始能查出。

戰勝原因貴在神速

此次喜峯口之戰。三晝夜間殲敵萬人。獲戰利品約值一千萬元。爲熱戰發生以來之首次大捷。至能操勝原因要有二端。(一)行軍敏捷。該軍對於跑步操練最熟。臨陣來去神速。往往乘敵不備。逼進要害。加以猛擊。使敵迭受重創。(二)利用夜戰。蓋當夜戰時。敵之飛機坦克車諸種新式利器。均不能費用。凡此正足補我軍備不足之缺點。再加以我軍行動敏捷。更可減少敵之戰鬥力。(三)大刀隊衝鋒。此爲我西北軍特種組織。而適爲專靠科學利器作戰之日軍所

戰地民衆一致擁護

戰地民衆對此堅決衛國禦侮之士兵。莫不同深感佩

。故不待何方發起。多自動捐助給養。當地村民不論大小戶。咸蒸饅首供給該軍。在給養方面。十日內尙不成問題。惟專賴村民供給。終非適當。後方應更想切實辦法。充足接濟前方士兵。至英勇殺敵殉國之馮師五百士兵。據全紹武氏談。決定發起該營烈士作一紀念。以資表揚。全氏定十五晨携大宗慰勞品仍返喜峯口慰勞該軍。並準備於返平時將所獲戰利品酌量帶回一部。以爲紀念。(三月十五日北平通訊)

(三) 喜峯口空前血戰紀

▲張樹聲沙場歸來之談話

▲敵方軍官被砍死之調查

▲犯喜峯敵解決三分之一

第二十九軍宋哲元部。於本月九日到達喜峯口前線後。即行出發。敵軍左右兩

翼。當時均被包圍。激戰五晝夜。口北二十九里堡之右翼敵軍。已完全解決。左翼敵軍爲騎兵一連。步兵二連。攜有大砲十八門。現仍在我軍包圍中已兩日未進飲食。一二日即可解決。此五日來激戰結果。敵方死傷達七千人以上。據我軍獲得日方公文內調查報告。大佐以下少佐以上共死五十三員。曹長以上三十餘人。現我軍又有一部共爲三團。已繞至敵後。距喜峯口外七十餘里之地方。將敵大包围。敵在前線者。除服部鈴木兩旅團外。尙有逆軍萬餘人。連日與我宋哲元軍激戰。死傷潰散者。已被解決三分之二。尙有一小部敵軍。即可解決。前西北軍師長張樹聲。日前代表朱慶瀾將軍赴喜峯口慰勞宋部畢。十四日深夜由喜峯口最前線回。十五晨抵平。尙未報告經過。據張談前方血戰甚詳。茲記之於後。

我軍肉搏克老婆山

喜峯口原爲萬福麟部防地。嗣萬與宋哲元軍長商定


。於十日換防。當八九兩日萬因前方情勢緊急。請宋部早日開拔接防。宋於九日到遵化。當令王長海團緊急行軍。時敵軍第一線已在喜峯口內之老婆山佈防。我王團

開到時。敵在山上。我在山下。我軍奮勇爬山。搶奪敵軍山上陣地。完全肉搏戰。翌晨（十日）我軍即將老婆山上敵軍陣地完全克復。此役由趙登禹旅長。親在前線指揮。趙氏當日曾受彈傷。但奮勇不懈。自裹創口。仍在前線督師。十日夜宋軍長又派步兵至董家口。潘家口。襲至敵軍砲兵陣地，將敵砲兵七八百名。一律砍殺殆盡。敵之砲兵指揮官。亦同歸於盡。時喜峯口老婆山一帶敵軍。乃將主力及高級司令。部移至老婆山北長城最高峯之砲樓上。我軍復下令再奪敵軍砲樓陣地。經十數次之肉搏衝鋒。我軍陣亡營長蘇宗元一名。負傷營長兩員。士兵死傷達三連人。敵軍傷亡。則倍於我軍。

砍兩敵兵真不夠本

現對該方敵軍已包圍兩日。戰事最激烈者。為砲樓之左右上辛莊白莊子兩處。十日。敵軍二千餘人。由董家口衝來。欲援助此線敵軍。當被我宋軍馮治安師李九思旅迎頭擊回本人十四日深夜離喜峯口時。敵軍仍被包圍於山上。至敵死傷。經我軍搜索屍身結果。內有白俄二人。及少數逆軍。大部均

爲日兵。總計有萬餘人。經調查砍死屍身內大佐以下五十三員。曹長三十餘員。至今喜峯口內。敵屍遍野。無人掩埋。血腥之氣。聞之觸鼻欲嘔。當第二十九軍由後方出發時。宋指揮親寫「有進無退死而後已」八字。令官兵熟讀。時刻不能忘掉。故此宋部衝鋒陷敵。只知向前。三屯營爲明大將戚繼光練兵處。三屯營北有紫極閣。爲戚繼光昔日藏軍械處。閣下並有石碣。誌戚將軍殲倭寇紀事。余昨日離三



屯營時。聞敵方主力一部。現由平泉向寬城出動。準備反攻。我軍因士氣大振。亦誓以死拚。喜峯口地方商民。照常營業。余親向人民詢問。商民答稱「有國民軍在。我們決不怕日本。」可見人民對於宋部認識之深。本人在前方曾晤我方傷兵。彼謂。「我這回真不夠本。」我在前線時輪起大刀來。甫砍兩個敵兵。忽被其他一個敵兵以刺刀把我的屁股刺傷。我再欲以大刀砍敵。體已無力矣。如我之受傷。再遲半小時。還可砍殺敵兵十餘名云云。當戰事甫啓時。宋哲元軍長曾下令。凡生擒敵兵一名者。獎洋百元。然士卒均表示一百元到手。亦不如一刀痛快。故五日激戰結果。士卒遇敵即砍。並未生擒一名。

一個營長受傷談話

本人於十四日上午八時。在遵化晤二十九軍馮治安師趙登禹旅王長海團第三營受傷營長王子亮。王係右手傷。軍帽被彈擊破。棉風衣及棉褲被彈穿破十數處。本人當詢其作戰經過。據王稱。該營出發官兵五百二十員。激戰五晝夜。以十二日晝戰夜襲爲最激烈。我以大刀炸彈殺得敵人屍橫滿山。死亡

之數。倍於我軍。該營營附過家芳亦因抗敵奮勇。被敵以石頭將其右腳擊傷。該營所屬四連。第九連連長劉世昌。九日下午三時攻喜峯口右側之高山時受傷。排長侯鳳鳴。司務長薛耀坤均陣亡。排長趙克修右臂折斷。士兵傷亡五十七名。第十連連長張維謹。夜襲敵人。在菜子峪奪獲砲四門。砲彈三十六發。借敵人砲以擊敵。而敵用蜜集部隊及機關鎗反攻。該連長腰部腿部均受傷。士兵傷亡八十餘名。排長孟鐵仇陣亡。其餘官長亦均受傷。第十一連攻喜峯口左後側老婆山。白刃相接。連長胡光興左手受傷。因奪砲樓。右手被敵刺一刀。右臂受傷四處。排長曹曉智陣亡。其餘官長全受傷。士兵傷亡九十餘名。第十二連夜繞攻淀峪。連長王廷立因奪敵人機關鎗陣亡。排長張興堂張貴勝均受傷。士兵傷亡六十四名。計全營受傷官長十二員。士兵三百四十一名。陣亡官長五員。自兵三十七名。共傷亡官兵三百八十七員名。現有一百四十二員名。已調後方休息。該營長並稱。仍本有進無退死而後已之精神。俟傷愈。即速赴前方繼續殺敵云。(十六日北平通訊)

(四) 宋軍獲大批戰利品

▲坦克車十一輛大砲十八門

▲步槍六千餘枝機槍三十六架

宋哲元軍在喜峯外抗日異常勇猛。俘獲戰利品甚多。計有輕便坦克車十一輛。裝甲車六輛。大砲十八門。步槍六四七七支。多係東北兵工廠之韓麟春式。手鎗二三四零支。機鎗三十六架。日皇御賜日軍旗四面。飛機一架。至於戰馬糧秣鋼盔軍刀水壺。堆積如山。刻尙未查清數目。又俘蒙兵二千七百餘人。韓兵千八百餘人。日兵六千四百二十餘人。各兵身上均藏符文一道。宋軍臨戰時。自誓曰。此去如不殺十個敵人。決不生還。大刀隊進入敵陣。刀光四起。倭頭滾落。倭軍有一迷信。謂如被刀殺不能脫生。多跪地哀呼求免刀殺。願受鎗斃者。宋軍所獲戰利品。已值千餘萬元。(二十日天津專電)

(五) 宋哲元談口外作戰經過

▲激戰十次敵軍受重創

▲認為明治以後大損失

▲敵侵略計劃書已發覺

▲不守邊關將侵及華北

宋哲元談。敵人計劃得熱河後取喜峯口而至平津。不料第一天在喜峯口被我軍擊退。敵服部鈴木兩旅團聯合蒙古騎兵。限兩天打下喜峯口。幸賴我軍將士用命。有進無退。敵卒未得手。我官兵人抱必死決心。齊心一致。敵人鎗砲雖利。亦無濟。故自接觸以來。敵迭受重創。敵人進攻喜峯口失敗。又繞攻右側董家口。被我擊潰。敵運回屍體。計六屍一汽車。共一百二十餘輛。老婆山一役。我砍殺敵人六百餘。屍骨山積。敵步騎兩聯隊完全殲滅。總計敵傷亡五千以下。三千以上。古北口戰事停頓後。灤平日軍開動。欲繞攻羅文峪而取遵化。此路攻下。則古北口喜峯口冷口榆關。俱在包圍中。敵偵查我守軍在羅文峪僅一營。因我士兵得一日兵向第三

十一連隊隊長報告函件。知其襲攻羅文峪。我急調兩旅暗中填防。敵以日兵二千餘。雜牌之蒙鮮僞軍三千餘。猛攻羅文峪。兩日均被我擊退。嗣敵又調援隊來襲。爲爭一山頭。肉搏多次。激戰數日。敵器盡糧絕。昨退却。傷亡千餘人。日軍向其本國報告。明治維新練兵以後。無此重大損失。自九日起至十九止。共激戰十天。激戰始結束。日飛機廠設平泉。飛機雖有五六十架。已少效用。計大戰後我士兵被飛機轟炸傷亡者。僅百餘人。昨晚五時餘。又派飛機向遼化城內投三十餘彈轟炸。傷百姓九士兵二。以現在兵力計算。敵在喜峯口附近。決不能得逞。我在陣亡之敵砲兵團長身上搜出地圖及侵略我國之計劃書。不僅進擾平津。對青島山東均在其侵略計劃之內。此時若不以兵阻其野心。勢必侵及華北。此次在保謁蔣。亦抱定重大決心。我決腳踏實地。再行挺進。國民爲殺敵而死。雖死猶生。不放一鎗而亡國。世界將不以人類視我。予擬晤何後。明日返防。(二十日返平專電)

(六) 羅文峪空前之激戰

▲敵犯喜峯敗後改變進攻戰略

▲我宋部奮勇破敵第二道防線

▲大刀神威生擒敵指揮官三人

敵軍攻熱部隊。共計七個旅團。茂木騎兵旅團。已被孫殿英擊潰。報部鈴木兩旅團。爲宋哲元殲除。餘四個旅團。分佈於赤峯承德熱西及長城各口。兵力實不敷分配。聞現已由關內調來一師團增援。已由大連登陸。即開赴熱河作戰。面由武藤司令官。調承德谷儀一第五聯隊。及早川止第三十一聯隊。聯合騎砲兵之精銳。總數約五千餘名。分由半壁山佛爺嶺一帶向馬蘭關羅文峪兩處猛迫。以圖報復。故羅文峪之線。十七晨起。日軍即以重兵向我三岔口總攻。砲火之猛烈。爲空前所未有。據由前方返平之軍委會委員蕭振瀛。談激戰情形如次。一日軍攻入熱河部隊。其原定計劃。分由喜峯口古北口突進。企圖占領我長城各口。日軍服部旅團。攻入喜峯

口。我軍趙登禹旅。於十日夜內襲擊。將敵部解決。日軍遂變更戰略。調承德方面主力。突向羅文峪猛攻。今(十七)晨八時半。日軍以一旅團兵力。突向三岔山總攻。日砲兵大部。以排砲向山頭轟擊。我軍扼守山頭步兵兩連。於敵猛烈砲攻下。奮起抵抗。自晨至午。敵發砲五百餘發。我劉汝明師長。親率手鎗營進援。並調所部一團沿山道夾擊。午後一時。我軍襲入敵軍防線。兩方短兵相接。互用鎗刺大刀肉搏。日兵失利。全線潰退。宋總指揮在某地得知羅文峪緊張之訊。急由某地趕到前線。日軍飛機四十餘架。向我陣地強烈爆炸。遵化薊縣一帶均聞隆隆砲音。余於下午二時。與宋總指揮分離。乘汽車回返石門時。宋總指揮預先通知石門電話局。邀余通話。據宋總指揮在電話內報告。我軍已攻入敵軍第二道防線生擒日軍指揮官三名。目下正在第二道防線混戰中。董家口方面。昨(十六)晨發現敵軍。已被擊退。此次喜峯口日軍。猛攻防地。當時高部撤退。我軍甫到防地。日軍鐵甲車坦克車衝

劍斬殺日軍甚多。劍已砍彎。由北大前線視察團攜回北平。將送陳列所陳列。刻前線官兵。已七晝夜未睡。歷盡辛苦。士兵夜內爬山跑步。鞋已磨破。露出腳趾。敵機來時。我軍伏於山內掩蔽。前方遺下傷兵甚多。惟感汽車缺乏。運輸困難。本人回平後。定明日(十八日)謁見何部長。明晚赴保謁見蔣委員長報告一切。」

進犯我喜峯口之敵。連日經我宋哲元部痛擊以後。已不敢再向我陣地進犯。認爲日本自明治練兵以來第一次之奇恥大辱。所受之懲。可想而知。頃據由前方視察返平某參謀談。宋部制勝之原因。約有三點。(一)主將決心堅固。宋於所部開抵前綫後。卽集合所部。慷慨告曰。敵人步步進迫。至此已極。無強權不足言公理。要抵抗先要有決心。此正其時。吾人若與敵遇。誓應抱「有進無退死而後已」之決心。並親筆書此八字以告部屬。(二)指揮統一。協力同心。宋氏於開戰之始。卽令馮張兩師各抽一旅包敵後方。同時出擊。各部均能奉令。奮勇前進。毫無遲緩。故能達到目的。(三)士兵奮勇。該部士兵訓練有素。且主將指揮得宜。故能不惜犧牲。

殺敵衆多也。（十八日北平通訊）

（七） 宋哲元談殺敵經過

宋哲元十九日晨。抵保謁蔣。蔣對宋慰勉有嘉。並允竭力補助軍實。宋語記者。敵似對我羅文峪方面側重。故現正竭力向該方面布防。遵化聞羅文峪炮火甚清晰。幸蔣委員長對軍實。願竭力供給。今日即返防。與敵死拚。

宋哲元二十日下午二時接見新聞界。報告謁蔣經過及前方戰況。略云。余十九日到保謁蔣。表示對禦侮已下重大決心。一切正在準備中。因事關軍機。不使公開。北平遵化間相距頗近。余隨時均可前往。現俟謁何商洽諸事後，明後日即再返防。前方作戰經過。願略言之。我以四萬萬人民之文明大國。受數千萬人民彈丸小島之壓迫。實堪痛心。且自九一八以來。日得寸進尺。兇鋒日張。我國人處此險惡環境中。若再持不抵抗主義。則亡國慘禍。實由自取。當榆關戰事發生後。軍隊向熱邊集中能如此迅速。將士決心抗日。又能如此振奮。即可證明中國人心未死。救國尚

有可爲。當局正應及時利用軍心民氣。實行抵抗。但因日方彼時極力宣傳。以榆關爲止。不再進關內。國人苟安心理太深。適中敵緩兵之計。於是民氣日沈。軍心亦懈。致日軍乘機攻熱。並以一百廿八人而下承德自炫。故熱戰之敗。並非應歎。當去年八月七日。余曾對張漢卿建議。日必攻熱應速準備。以五師開熱。佈置於朝陽平泉大道。以三師扼守榆關。以五師爲後備隊。日軍非十萬兵力。不能下熱河。以日國內情況而論。自屬難事。我必可獲勝。惜余言未被採納。此次前方日軍所攜滿洲國地圖。不惟劃東三省熱河爲其疆域。且察冀魯平津青島諸市。均爲其版圖。可見日軍現在揚言以長城爲界。又係緩兵之計。我國人若不認清此點。終必遭亡國慘禍。當承德陷後。日軍又揚言限兩天攻下喜峯口。九日我軍接防時。余即對兵士訓話。勉其爲國犧牲。只准前進。不許後退。激戰三日。敵預言失敗。士氣遂蹙。此役敵鈴木服部兩旅團死傷步砲兵二千餘。騎兵二連。損夫極巨。每一汽車運傷兵六人。共運一百零六輛之多。我軍死傷雖亦有三千之多。但未遭失守之恥。就中老婆

山一役。數得數失。敵被砍殺尤多。自稱係明治維新練兵以來未有之奇恥。大損皇軍威嚴。最後敵惱羞成怒。每日數次。以飛機向口內轟炸。然喜峯口董家口三處。終未被陷。我軍被炸死傷者。不過百人。當喜峯戰役。敵遭慘敗之初。我軍由俘虜搜得敵軍繞攻羅文峪之計劃。因該峪形勢可牽及長城東西各口之安危。敵知彼處我軍只有一營。一攻必下。則可由遵化截斷平喜聯絡。直搗喜峯後路。我軍乃急調兩旅向羅文峪秘密增防。由劉汝明督防備戰。至十六日。敵果調第八第三十一聯隊二千餘。與蒙鮮僞軍三千餘。機四十餘架。十八日。我大軍忽出應戰。出敵預料。氣爲之奪。繼又大敗。十九日起。羅文峪十里內已無敵蹤。此役敵死傷千餘人。我亦相等。以余觀察。敵恐無力再來進攻。日軍有最新式之科學利器。裝甲車之威力尤大。但遇我特殊戰法。利器均失效用。因此等利器。多適於晝戰。且日軍砲戰只能遠射。我乃利其缺點。晝伏夜出。打近不打遠。故敵每戰皆北。且熱境多山。居民稀少。敵彈雖大。所炸多山。固於我無損。敵機十九日晨飛遵化城郊投彈三十餘枚

。意在報復。傷居民九。兵二。惟我各口布置嚴密。敵決難逞。目前軍事上雖得小勝。但余意大戰方在開始。救國責任尙未終了。我軍將士有誓死報國決心。余亦以戰死沙場自勉。望國人一致奮起云云。

(八) 喜峯口前線視察記

敵軍號稱精銳之鈴木服部兩旅團。在喜峯口董家口等處。被宋哲元部包圍殲殺覆沒後。平地民衆。無不歡欣鼓舞。踴躍輸捐。備極興奮。北平各界募捐聯合會。特購置載乘汽車二輛。由楊立奎崔朱溪二代表。送贈前方。交由宋部應用。記者承該會之允許。隨車出發。得親至我軍最前線。往返共三日夜。聞見頗多。除關於軍事祕密。不便發表者外。茲將此行經過概況。誌之如左。

記者等於本月十六日下午三時。由平出發。三時四十五分車抵通縣。該縣商業。向稱興盛。沿郊雖駐軍雲集。而市面秩序。一如往昔。惟值此軍事倥傯時期。各商鋪閉市時間。均稍提早。現通縣爲冷口喜峯口古北口各軍事區域之後方。故前線

傷兵。除一部運至北平醫療外，多數卽就通縣城內軍分會所管轄之後方臨時醫院中收容。因之該地醫院林立。救護工作。頗形緊張。計第十師範。第六師範。民衆教育館等教育機關。均改爲臨時醫院。各院傷兵千人及百數十人不等。當地男女學生自動參加救護工作者。頗見踴躍。總之通縣情況。無處不表現軍民合作之精神也。

出通縣後。乘汽車徑赴遵化。所經各重要鄉鎮。均未停留。沿途汽路大道。極爲平整。且甚寬闊。可並行二輛汽車。近來雖經軍用大車及重量輻重之輾壓。亦不甚損壞。沿途無大山嶺。憑窗眺望。平坦無際。由通縣至薊縣之東。行人稀少。亦無大隊軍運往來。偶見少數工程隊。往來至爲忙碌。過薊縣境。道路稍險陡。兩旁可遙見已完成之戰壕。途中行人更稀。寂寞中反覺空氣緊張。十時抵遵化。至此下車。此地爲喜峯口馬蘭峪一帶之我軍後防。司令部卽設於該地某處。遵化爲通達口城進出之要鎮。人烟稠密。城郭亦頗完善。予等進城時。將及夜半。風沙撲面。大有寒意。記者稍事拚擋後。訪老友某君於二十九軍參謀處。詢及十一日至十四日晨

間大戰情形。除報紙已記載者外。尙有數事。頗足令人起敬。二十九軍在十一日之晨。大部軍隊。尙在遵化附近。當聞悉喜峯口危急之訊。全體士卒。無不憤慨填膺。比卽頒下急行軍令。百數十里之長途。祇四小時左右。先鋒部隊。卽趕至前線陣地。新着之鞋。完全脫底。襪破赤足。披荆踏棘。直前衝鋒。敵軍以出於不意。相繼潰退。入夜我大軍集中。實行夜襲。每人頭束白布一塊。俾於月雪朦朧中。易於辨別。各人背束手榴彈數枚。左手執刀。右手攀岩。匍匐而前。達敵營壘。揮刀砍殺。喜峯口左右兩山之敵。悉數撲滅。是役我軍損失不多。而敵軍死亡。已近千二百餘人。但我軍爬山越嶺。所着棉衣。撕破無餘。

翌日記者於某處晤宋哲元主席。宋着灰布袍。態度沉靜。惟兩目深凹。風塵滿面。適由前方視察歸來。宋與記者談話時。和靄誠懇。大具文人之風。據宋表示。我軍此次抗日。咸抱絕大之決心。數日來激戰之結果。敵已膽寒。現我軍防線。約長二百餘里。奪回之要塞。業已分別建設砲壘。

副記者又赴戰壕中參觀。見我忠勇衛國之健兒。伏身深壕中。狀態安閒。有撫刀作歌者。令人肅然敬佩。一兵士語記者。『先生。我這刀應該這樣賣。』記者初不識其意。含混答曰。君此刀約值三元。該兵士對曰。否否。最少亦須敵軍三個人頭。於是相對大笑。記者復至我軍司令部。見數兵士正執一臨陣奪得之日軍騎兵團旗。狀至自得。蓋十二日之夜襲。大獲勝利。該日軍騎團團長。亦於此役。爲我大刀隊所砍死。又得一幅僞國地圖。在此圖中。日本朝鮮爲紅色。遼吉黑熱爲深黃色。長城以南爲淡黃色。并於河北之平津一帶。圍一紅線小圈。卽敵之吞併我第二步計劃之表示也。

時屆薄暮。記者繞道歸來。復與馮治安師長晤談。馮氏精神抖擻。發音宏壯。馮氏主張。爲一絕對主戰者。馮之表示。不戰必至淪亡。老守亦必失利。唯一希望。除改守爲攻外。別無他法。馮氏復謂。連日殺敵致果。全體國士。自信力更堅。惟盼全國上下。一致抗敵。自有還我河山之一日也。

士兵齊登。滾身而進。大刀飛舞。敵被刃者二十餘人。敵復以探照燈向四方遠察。向我軍陣地砲擊數十發。以阻我軍續進。如是雙方相持二時餘。敵援軍由榆關趕至。我軍乃退出城外相持。待東方既白。仍退守黃土嶺休息。

二十九日晚九時許。鄭司令又在黃土嶺集合所部。向九門前進。至午夜。雙方開始攻擊。敵恃重砲利器。以制我軍。砲聲震天。澈夜不止。王司令急令精兵一隊。越嶺繞道。迂迴數十里至新台子。以襲敵軍砲位。鄭司令亦令所部。分散各地擾亂。並漸次集中。向夕陽口。鐵廠堡猛攻。敵始終未敢輕率出城迎擊。是夜敵我雙方死傷相等。惟恨未能決一勝負耳。

我軍繼續會攻 三十日正午。獨立第八梯隊王司令官與第五路司令鄭桂林相約。準是夜兩軍再繼續會攻九門。午後王司令官以欲敗退敵軍。須先破其砲位。然後彼方無恃。而我即可入城。與敵短兵相接。乃傳令參謀二員。率領各大隊隊長前往九門附近偵察敵軍砲位。俾定進攻策略。是夜九時許。第八梯隊之四大隊各選

北危殆情勢。漸趨安定。以軍略言。固屬莫大之成功。而於振作士氣。使知果有敢戰決心。器械雖不如敵。亦有可勝之道。安定民心。使知國軍尚有可戰之兵。堪恃之將。其義意如是重大。當茲役者。蓋爲素負盛名之廿九軍。指揮官則爲宋哲元軍長。及馮治安。張自忠。劉汝明三師長。記者爲慰勞吾忠勇將士。及觀察前線情形。於二十一日隨同宋總指揮至前線。得備聞該軍作戰經過。參觀羅文峪一帶陣地。該軍作戰情形。大要已詳於前。茲爲保存正確之史料計。作一有系統之敘述。藉作日後之參攷。

二十九軍原爲西北軍中最精銳之部隊。平日得馮玉祥氏之訓練。饒有堅苦卓絕之精神。屯戎所在。努力於建設工作。華北各省大都知之。歷次作戰。均能以少勝多。擅長夜戰及出奇制勝之訣。自九一八國難發生。該軍將領。憤激最甚。日爲士兵講解敵人之野心獸行。以激發敵愾之心。謂軍人天職。爲捍衛國家保護人民。本軍素日以打倒野心侵略之帝國主義爲對象。現在真正帝國主義已向我侵略。實本軍

盡忠報國之難得機會。士兵得此教訓。故人人以殺敵爲快。該軍每日早晚點名。官長必向之作下列之問答。(問)你們是什麼人。(答)我們是大中華民國的軍人。(問)你們爲什麼要當兵。(答)我們要打壓迫我們敵人。(問)你們的敵人是誰。(答)是日本。(問)你們要打敵人預備好了沒有。(答)早就預備好了。(問)你們預備的是什麼。(答)手槍大刀及奮勇殺敵的精神。(問)敵人大砲飛機甚利害的你們不怕嗎。(答)不怕。(問)你們憑什麼不怕。(答)我們有手槍炸彈。敵人用大砲飛機。利於晝戰遠戰。我們用手槍炸彈。施行夜戰近戰。(問)遇敵人飛機來襲應當怎麼樣。(答)在遠距離沉着隱蔽。在近距離齊放射擊。(問)遇敵人砲火猛烈應當怎麼樣。(答)在防禦時沈着隱蔽。在攻擊時奮勇躍進。(問)遇敵人唐克車來襲時應當怎麼樣。(答)保持鎮靜。待其接近。用炸彈投擲之。或引發地雷炸毀之。(問)你們帶了多少子彈。(答)一百粒。(問)一百粒子彈能打多少敵人。(答)能打一百個敵人。(問)若是百子彈能打一百個敵人當用什麼法子。(答)滿不準不放。該軍平日受此嚴格之訓練。故

能萬衆一心。生死與共。於本年一月廿日。由山西陽泉防地。奉命開至平東。預備加入熱河禦敵戰役。暫時集中於玉田香河寶坻各縣。張學良對抗日作戰。始終以器械財力不如敵人。無必戰之決心。於作戰方略。及作戰準備。一無預備。亦不願客軍開入熱河。故宋部終始未受到作戰任務之命令。直至三月八日。萬福麟部由凌南潰敗。宋部始接到警備冷口。增援叨爾登及寬城之命令。該軍因喜峯口要隘。無人防守。於四日自動派隊警備。九日接寬城失守之信。萬福麟部潰敗而下。原約於十日與宋部換防。因多日本飛機威脅。潰敗太速。於九日已棄喜峯口外要隘。宋部遂用日行一百四十里之急行軍。趕來接防。抵遵化正逢萬部潰軍。如決堤奔流不可阻遏。宋部受其擾亂。速度也爲減少。萬部士兵警告宋部兵士曰。『日本人快到了。還不趕快跑。你們是那一軍。宋部兵士答稱我們是二十九軍。就是來打敵人的。萬部譏之曰。你是九十九軍。也照樣的要跑回來。』此種問答。充分表演怯弱同忠勇的個性。宋部抵喜峯口。追逐萬部之敵人騎兵。又將口外高山佔領。宋部遂與之開

始激戰。

宋哲元部出師抗日經過。已誌前訊。茲紀其作戰如下。敵人自出師以來。因迭遇不抵抗之師。養成輕視吾軍之心。宋部在敵某少佐尸身上搜獲該命令一件。限其追擊步隊。由十三日起三日內佔領長城各口。其輕敵之心理可見一斑。吾軍乃利用敵人此種弱點。準備用迂迴戰略。予以大規模之夜襲。以□□□旅爲主力。由左翼經潘家口小道。繞出敵後。□□□旅由右翼經鐵門關與□□□旅接應。□□□旅配備於正面。得到口旅襲擊得手之信號。卽行進攻。用收夾擊之效。是日爲敵吾兩軍接觸後之第三日。敵人扼於地勢。其官兵已十分疲勞。除在老婆山分配相當兵力警戒吾軍外。於步騎砲兵之主力。高枕而臥。絕不慮吾軍之敢於履險深入。襲其夜營。故毫無警戒戒備。吾某旅出潘家口路程較近。得於拂曉前達其夜營地。用包抄方法。進入各村。揮大刀逢人卽砍。因未開鎗。故未驚覺入睡之敵人。據聞進行之順利。爲作戰中所僅見。出鐵門關之某旅。所經路程較遠。進至白台子。占領敵砲兵陣地。

。將敵之給養汽車及鐵甲車大砲等俘獲。因在午夜。山路崎嶇。大喜峯口之路口。又被吾軍阻塞。故各車無法開回。祇得就地破壞。使敵人亦不能再用。給養汽車。則用火焚燒。放火時。殘餘之敵尙未盡滅。老婆山之敵軍瞥見火光。卽來應援。餘衆始得脫出。及至拂曉。兩軍遂入混戰之中。殘敵兩部相合後。乃與吾軍混戰。吾軍蒙損害頗大。陣亡營長一員連長二員。傷連長七員。士兵死傷亦極衆。惟劫營時獲敵人利器甚多。大小鎗枝達數千枝。迨某旅趕到接應。將敵擊潰。□□兩旅乃各由原路繞回。敵人受此損害。深爲膽寒。故遂變更戰略。欲由羅文峪抄吾喜峯口背後也。

羅文峪在喜峯口西南。如以喜峯口爲中心點。以分度儀量之。則得四十五度之斜角。在長城線上喜峯口路段內。爲一向內之突出點。距喜峯口爲一百十里。敵如攻佔此口。則喜峯口受左側背之包抄。喜峯以東之吾軍勢必受戰略之壓迫。不得不退。敵人窺破此種弱點。故於喜峯口正面失敗後。卽移全力攻擊羅文峪。以期爲戰

略上之突破。宋哲元總指揮。亦深知敵人將有此種計畫。故早以重兵布置於此。以驍勇善戰之劉汝明師長。擔任指揮。敵於十五日以步騎炮聯合組成之混成支隊。約三千餘人。向吾羅文峪正面猛攻。並以飛機轟炸。該地長城。蜿蜒於最高山頭。仍甚完整。各砲樓尤完好。我軍據城而守。敵人砲擊乃集中轟破。致城牆破碎。礮石橫飛。敵吾兩軍。互欲佔有。一日之間。得失達十一次。吾軍因長城所經為地形上最扼要之處。如被敵人得去。以礮樓為砲壘。以城牆為壁柵。則不啻為敵人增加一強固要塞。且長城以南。地勢漸平坦。直無可以構築陣地之地。故用全方守禦。雖遭受敵人之強烈砲火。亦不稍退。犧牲之慘。較喜峯口尤過之。十六日拂曉。敵人即用一團之主方。首以集中之砲火。向吾轟擊。發五六百砲。致山谷變形。敵見吾陣地已沉默。乃以四路縱隊之集中力量。向吾衝鋒。吾軍故示鎮靜。亦不還鎗。待其近至二百米達。奮勇突出。以手榴彈投擲較遠敵人。揮大刀砍殺接近之敵人。殺聲震天。血光滿地。吾大刀隊輕裝矯捷。揮刀如風。敵人週轉不靈。故死傷纍纍。

敵之吉田少佐。卽死於此日。是日夜間。吾王和春營長。率所部由間道繞出敵防禦線後。劫敵人之宿營地。予敵人以極大損失。王營長在此光榮之戰鬥中。亦殉國而死。全營官兵。得以生還者。祇七十餘人耳。嗚呼痛矣。凡吾國民。對此忠勇爲國之義士。宜如何報答。以副其千古不磨之功績也。敵人經喜峯口羅文峪兩次損失。本身之弱點迭見。不敢再作積極之想。山查峪在羅文峪之左。亦長城一小口。敵以羅文峪防禦嚴密。故十六十七兩日。曾對該地猛烈攻擊。亦未得逞。經吾王營之夜襲。敵氣已餒。乃移主力後退二十里至半壁山。以避免吾軍之夜襲。吾軍乃轉取攻勢。將在羅文山查兩口外之敵人。加以驅逐。將敵人佔領之茨梅花脆。水泉子。馬通溝三岔口。快活林。正子峪。次第收復。酌派部隊。與敵人保持密接。敵人在半壁山西。及佛爺崖附近之平地。構築飛機場。連日軍由飛機搬運傷兵。十八十九兩日。敵飛機雖曾向吾三屯營及遵化縣城。投擲炸彈。但結果除被毀若干民房及死百姓數人外。於軍事毫無影響。後遂未見再來。據探報敵飛機正忙於搬運補充彈藥物

品。故無暇再來轟炸。十九日敵後續援隊開至孟子嶺。距羅文峪四十餘里。即未前進。窺其意似不願再與吾軍接近。免受奇襲。前方則以騎兵砲兵作遠距離之戰鬥。敵人以灤河以東（灤河由喜峯口西之潘家口流入長城向東南入海）爲吾軍集中地帶。故欲突灤河附近之長城口。將吾軍各個擊破。十九日以後。因喜峯口附近不易進展。乃改攻界嶺口。及冷口。捨古北口不攻者。蓋戰略上之要求。首爲尋覓敵人之主力軍擊破之。主力軍既破。雖有要地已不能守。敵之捨距北平最近之古北口不攻。而攻攝灤河上游各口者。蓋從軍略上着想。一般人惑於敵人占領長城完成僞國國境之說。謂敵人不欲占領北平及華北。試思敵人如果佔領灤河上游。則該河東西之吾軍。將失其聯絡。即有遭敵人各個擊破之危險。幸國人毋惑於敵人不占華北之瀾言。中其緩兵之計。抗日戰局。已到最後關頭。記者雖蒞前線。親覘吾忠勇將士之精神。備聞作戰方略。視察陣地險要。所能發表者已盡於此。軍事祕密。恕難奉告。惟吾前方官佐士兵。無人不抱必死決心。誓爲國軍保持令譽。爲國家保全疆土。

所缺者第爲物質上之需要。愛國同胞。對吾忠勇將士。宜迅予援助。救兵如救火。時機一失。焚卽及身。滌河上游各口之重要。已如上述。愛國同胞。盍速興起。

宋總指揮對記者談話。日本人看中國不成一個國家。軍隊亦不成軍隊、所以用蠶食的辦法。作逐漸的侵蝕。造一個口實。侵佔了東三省。佔了東三看。說不再侵略。叫中國不再防備。中國果然就不防備。於是他又造了一個口實。侵佔了熱河。現在又說佔了長城。就不侵略華北。吾們如果再上當。再不打。不久他定又會造一個口實。來占領華北同察哈爾。日本人用的法子。是咬你一口。在你覺着痛的時候。趕緊的說不要怕。我不會再咬你啊。但是在你認他不再來咬你。不去防他再咬你的時候。他又來上一口。必定把你的肉咬完了。他才真不來咬你。全國的人民同軍隊。一年以來。沒有人不願來同日本一拚。但是有人說。吾們的軍隊如此不完備。打是一定會敗的。要知一個弱國對強國打仗。只有拚命。要是一定等到自己也強起來再打仗。只有等着亡國。永遠也打不成的。比利時抵抗德國。土耳其的戰後復興

。美國的獨立戰爭。都是不顧自己的國力弱小）來同強國的敵人拚命的。中國也是這個時候。只有學人家拚命的本領。中國的軍隊。向來是敢拚命的。這一次動員。各軍聽說是打日本。都踴躍爭先的集中。內戰的時候。沒有打先要開拔費。要給養。要發餉。現在沒聽說那一軍提過。遠在河南山西同河北南部的軍隊。不到十天。都來到了前線。可見拚命抗日的熱心。熱河的失守。是因早沒有預備。在吾軍還沒有站往腳的時候。就被敵人打倒啊。敵人因為得的太順利。所以命令他的南侵部隊。限三天佔領長城各口。我們天天向兵說。現在人家看着中國人都不是個人。如此大的土地。叫敵人拿去。就不抵抗完事。現在我們要想做人。非抵抗不可。非犧牲不可。要成功就要先犧牲。我們不要想成功。成功留給後來的人。我們先來作犧牲品。日軍佔領承德的時候。報告該國。說此役為自作戰以來未有的光榮。前大在喜峯口被吾軍劫營。又報告該國說為奇恥大辱。我們雖然物質上不如敵人。只要能拚命。能硬挺。就有希望。吾們能拚三十萬人。敵人也死十萬人。弱國對付強國只

有這個法。我們拚的剩下一個人。也還是要拚的。

第三編 華北各軍戰史

(一) 丁喜春部凌南殉國紀痛

▲冰天雪地與敵搏擊

▲輾轉血拼全師覆沒

凌南一役。丁喜春師（陸軍第一零八師）以孤軍遭敵逆三萬衆之包圍。我啼飢號寒之將士。當於冰雪萬山中。卒將敵人主力軍摧破。結果士兵損失五分之三。官長多數洒赤血於白雪之原野。含笑以殉其祖國。關於該師光榮犧牲之經過。近來報端雖略有記載。率缺焉不詳。茲蒙該師負傷在平就醫之校官某。於病榻告以苦戰始末如後。用筆述之以告關懷國事者。

我師於二十八日由北平出發。經北甯鐵路輸送。至坨頭車站上車。徒步行軍出冷口。於二月二十七日到達熱境毛頭壩一帶集合。途次凡七八日。彼時兵站尚未成

立。給養係發現款
 隨時隨地購買。而
 熱境殊貧瘠。沿路
 卽出高價買小米高
 梁已不易得。任何
 人想不出遭遇如此
 困難。復因熱境山
 路崎嶇難行。天氣
 又比長城南奇寒，
 士兵顛沛於冰雪沒
 脛道上。非跑步卽



渾身慄抖

故到達防地後。不但各個人精神疲憊萬分。即手脚及顏面亦大多數凍裂。而鞋襪因時時與石尖冰稜磨擦。類皆洞穿。甚以足趾觸地。與鼠困窘之狀。有令人不忍言者。我師徐團於友軍某部向某方面進展後。填防其凌南陣地。填防未久。敵即來攻。揆當時情形。似土著與敵軍通消息。故剎那間大戰爆發。敵集中炮火於徐團中央陣地。並用鐵甲車掩護步兵強襲。以大隊飛機拋彈。炸我軍後方連絡。致慶戰兩三小時。我軍傷亡枕藉。徐團遭此強烈炮火洗劫之下。雖努力掙扎。終被迫而背進。同時我師董團奉令增援，旋收復凌南（即莽牛營子，）原陣地。是役敵主力受絕大打擊。但不久敵又以大部隊增援。用野砲山砲掩護輕快之裝甲車衝來。將董團及徐團殘部層層包圍。初敵我槍砲聲震撼山谷。旋雙方槍彈聲稍寂。硝煙已漸清晰。遙見我士兵揮大刀及槍刺與敵行白刃戰。

喊殺怒罵

之聲。清晰可聞。當時我軍。傷亡大半。於是夏團遂從後方兜剿邁進。敵因潰退。當夏團揮軍追擊之際。行經山谷。於我陣線左翼突發現鐵甲車五

十餘輛（此係友軍某部敗走所致）張強烈機關鎗火網向我軍掃射。彼時我各營連即分別散開。利用地形地物。與敵抗戰。是日（二月二十九日）天氣奇寒。北風吹雪花狂舞。先是昨日夜行強行軍。計行程約一百八十餘華里。士兵澈夜未眠未食。彼時奉命應援。士兵仍精神百倍。與頑敵抗戰凡半日。前方士兵每人僅喝結成冰塊之小米湯一二碗。我軍因陷於遭遇戰。雖欲構築簡易掩蔽戰溝。亦為時間所不許。在交戰時士兵僅蹲臥雪深處。藉雪堆以行射擊。重機關槍兵因雪深槍架無法安置。多數以士兵肩背支撐槍架以行掃射。情況之壯烈。令人啼笑皆非。但我軍意志勇效死。終無敵於甲車飛機之摧殘。銀白色之敵機。結隊盤旋於吾人之頭上。燕子戲水式的投彈。鐵甲車機槍掃射之火燄。若

毒蛇之舌

吮吸吾人。轉眼我軍又死傷多數。原因我軍除手射砲迫擊砲尙能抵抗外。步槍子彈不能損甲車毫毛。於是我兵士。奉令潛伏地面。靜待鐵甲車衝近後。羣起將手溜彈轟炸。並有爬至車上。由窗口手刃其射手或司機者。經此格鬥後

。敵我傷亡相等。旋被迫轉進。行至喇嘛洞附近。又遭敵騎兵狙擊。倉卒間隊伍被衝斷。遂化整爲零。節節抵抗。所有士兵均沉着應付。不久數百名騎兵被一排步兵及一挺機槍掃射過半。適沈克師應援到。圍遂解。我全師官兵遂得安全收容。三月一日。行軍至冷口。我官兵因沿路節節抵抗。忍飢疾行。疲勞已達極點。不料於百劫之後。在冷口內鄭莊。又遭敵機約二十架兜頭爆擊。當我士兵仰臥高射時。敵之步騎甲車聯合軍。又跟蹤追來。我軍瘋狂般作困獸鬥。敵軍仍未得逞。我平射砲連邱排長以一人攜二砲手。將敵鐵甲車轟燬四輛。終罹於難。尤爲

可歌可泣

當該軍官述抗戰經過時。談及士兵殉國情形。每啜泣。謂我士兵如稍得休息。或能構築工事。敵人礮火雖如何厲害。憑我士氣。絕不至損失到如此地步。今竟使死者含冤。生者蒙羞。又負傷某排長告記者。謂日軍兇暴異常。我軍某部分之伙夫馬夫及辦文牘之副官上士等因非戰鬥兵。戰術稍劣。被其繳械後。竟將俘虜用機槍掃射以死。此係聞之更甦某馬夫者。再敵之鐵甲車大小與普通載貨

汽車同。惟全車機件及鎗等。行軍時完全拆開。由士兵肩負之以前進。迨越過山嶺或障礙時。由礮火掩護中。能於最短時間。將全車拚成。其技術之神速。及結構之精巧。方之我軍隊設置。真天壤之別也。

(二) 萬福麟部在熱抗戰經過

▲參謀長王景儒返平之談話

▲各將士原具防俄光榮歷史

▲出師前已下戰死沙場決心

第四五團萬福麟部五十三軍參謀長王景儒二月八日因奉萬氏命來平接洽要公據王氏談萬部作戰經過如次。

「鄙人隨萬總指揮。於二月十七日。由平出發。是日凌源方面。于兆麟師已與敵接觸。戰鬥極為激烈。二十八日傍晚。到達平泉。將總指揮部事。略為部署。翌晨。(三月一日)萬總指揮即馳赴凌源前線視察。當面諭于師長兆麟。凌源為極東

重鎮。得失關係戰局頗鉅。無論任何犧牲。須死守此地。正擬繼續視察大城子凌南方面孫丁兩師戰況。適接情報。該方面已發生變化。當即折回。視察三十家子陣地。並對該處王永勝師官兵訓話。略謂「吾輩軍人。平日受國家俸養。好容易得到對外作戰機會。正吾輩報國之時。大家應一致拚死奮鬥。萬不可稍存畏縮之心。古人以戰死沙場爲榮。尤其是你們這一師。原爲十五旅梁忠甲舊部一百三十師。是十七旅韓光第舊部。民十八防俄之役。曾獲得光榮歷史。全師官兵。務須持此種光榮。一致向前奮鬥。若有一人退縮。便爲全體之差。不但無以對國家。並且無以對先烈。本總指揮。惟以軍法從事。決不姑息」是晚返平泉。得孫丁兩師長由山咀子所發東申電報。略稱。近日與優勢敵人激戰。凌南方面。丁師右翼。已受包圍。敵復以裝甲汽車六十餘輛。衝破凌南。直撲凌源。業將師部與前線連絡隔斷。正在混戰。情況不明。如何處置。請迅示機宜等情。此時沈克師正向要路溝佛爺洞之線推進。繆師正與喇嘛洞北水泉之敵對戰。萬總指揮遂決心命于師全線出擊。孫丁兩師長。

率直屬連及新收容之一部。即刻反攻。恢復原陣地。復命沈師。協同繆師與丁師。妥取聯絡。相機進攻凌南。以威脅敵之左側。二日拂曉。全線激戰復起。漸趨嚴重。萬總指揮往來督戰。片刻不息。敵我兩方。傷亡山積。是日午後。葉柏壽激戰已歷三晝夜。陣線搖動。于部範圍覆沒。範圍長受傷極重。同時凌源陣地。左右受攻。勢甚危急。于師全部傷亡殆盡。萬乃急調王永勝師兩團應援。敵復以飛機十餘架。裝甲汽車二十餘輛。分途猛進。激烈轟炸。遂又退入三十家子防線。此時凌源已被包圍。發生街市戰。于師長以衆寡不敵。傷亡過鉅。僅率特科連突出重圍。逐漸撤至三十家子。收容殘部。三日午。王師協同于師殘部。反攻甚烈。前綫已逼近凌源。突有降逆之熱河軍官邵本良。爲敵嚮導。(邵曾駐紮凌源平泉寬城等處。於該地情形甚爲熟悉)率領敵軍。由山溝間道。直撲我三十家子陣地。截我歸路。萬總指揮率部急回。敵復以裝甲汽車六十餘輛。由凌源衝出。直撲正面。三十家子陣地遂不守。逐漸撤退平泉。復將平泉衛隊營增加。扼要防守。抗戰甚力。四日。

承德失守。我軍後方尤感威脅。總部遂向寬城撤退。以便與沈繆兩師保持聯絡。萬總揮指仍在前方督戰。平泉小寺溝兩役。陣亡衛士二名。傷數名。黨參謀衛隊騎兵連連長失蹤。死傷尤鉅。總指揮乘馬亦被彈倒斃。目前寬城已構築堅固陣地。惟形勢危急。自在意中。總之。此次作戰。我軍準備。及種種設備。遠不如人。居民受湯氏暴政之害。怨恨過深。有「甯爲亡國奴。不作熱湯民」之口號。我軍入熱。居民認爲助湯。處處加以妨害。敵軍既有漢奸爲之嚮導。又有飛機偵察。往往乘我間隙。以裝甲汽車突衝陣綫。並以飛機轟炸。掩護前進。我軍防禦頓感困難。各陣地雖築有外壕。但敵軍裝甲汽車。均攜有鐵板。遇有外壕。即將鐵板鋪上。逕行衝過。歷次失利。多半由此」云云。(三月九時北平通訊)

(三) 青石梁激戰記

自湯玉麟棄守承德。率部西退後。古北口一帶駐軍。立即奉令開赴前線防堵。青石梁一役。激戰四晝夜。爲熱戰發生以來。最激烈之一戰。我前方王以哲旅。損失過

半。傷營長三人。日方損失亦甚巨。王旅受傷軍官某。昨由古北口返平。陳述此次青石梁禦敵經過如次。『陸軍第七旅六二一團。原在古北口駐防。承德棄守後。該團團長於四日晚間。奉北平最高當局電話傳諭。卽晚開赴前方。五日早八時。到達青石梁前黃土嶺地方。卽留駐此處。時湯玉麟方率部退集於豐甯附近之鞍匠屯。聞該團開到。卽以電話傳知。謂日軍將以坦克車由正面來攻。熱軍準備卽行撤退云云。該團甫經到達。人馬疲憊。地理不熟。偵查陣地及構築工事。又須費時。當請求熱軍。再守數小時。未得具體回答。當晚熱軍已撤走。去向未明。原陣地乃另由十二旅開上接防。是日六二一團卽趕築陣地。中路前方在黃土嶺臥虎山。與敵方西長安峪陣地對峙。此地由二營劉漢玉營長率六七八三連擔任。右鋒在饅頭山火燎兒溝。由一營史耀東營長率一二四連擔任。左翼在曹亮子。由三營之十一連擔任。營長陳旭升率兩連在臥虎山後。任預備隊。因戰線適在臥虎山前。儘時間充裕築成堅固陣地。此地實爲有力之防線。攻守均甚得力。終以時間局促。未能週密布置。加以

地土凍結甚堅。挑挖困難。士兵長途跋涉到此。未稍息憩。卽作工事。至夜間勉告完成。然不堪應用。此爲最後遭受挫敗之重要原因也。六日上午十時。日方卽以坦克車掩護。由西長安峪直向臥虎山衝進。劉營長指揮大兵。據險應戰。斃敵甚衆。戰至下午三時。因我方七連排長白文英戰死。陣容略形紊亂。敵軍遂乘隙急攻。傍晚臥虎山遂陷。但移時我方團長親率十二連奮勇反攻。至夜間十二時。卒將臥虎山奪回。至七日拂曉。又因十二連與九連換防。復爲敵乘攻陷。但移時又爲九連奪回。故六日一夜之間。臥虎山曾三失三復也。八日日軍陸空軍大舉。向我右翼進攻。共來飛機十二架。向我陣地擲彈。附近一帶村莊。均被轟燬。因所投均係燃燒彈。故落地起火。焚燒所及。極爲殘酷。我右翼士兵均振奮殺敵。迄未稍懈。激戰至晚間五時。敵終未得逞。臥虎山仍在我手。是夜炮火稍息。日軍因八日之進攻未得逞。遂於九日上午十時開始下令全軍總攻。戰至中午。我左翼首爲敵軍包圍。右翼一面積極抗戰。一面電知聯絡團六二團繞由火療兒溝出擊。直攻西長安峪。及灤平往

來之大道。以截斷敵軍歸路。俾各路衝圍合擊。一鼓殲滅。惜終以進行稍緩。敵軍已由極左翼曹亮子至臥虎山中間之防線攻破。全線因之動搖。不得已乃由曹亮子及火燎兒溝兩翼角掩護。臥虎山劉陳兩營於下午二時許退下。是役傷亡最多。營長劉漢玉及陳旭昇均負傷

(四) 古北口之鏖戰

與敵激戰四晝夜

現調生力軍應戰

前方戰況。十日晚官方公布。古北口方面。中央軍某師已加入作戰。另一師尙在輸送中。敵方由鈴木旅團長親在青石梁前線指揮。敵坦克會一度衝入我防地。敵機十餘架。曾飛三間房與距口廿里之巴什營子轟炸。經我王張兩師長親出督戰。敵始稍斂。但我王張兩師。已在青石梁激戰四晝夜。日軍十日又增援。我軍英勇抗戰之餘。精神雖壯。但氣力已疲。且王張部團長。已死三人。營長已死十餘人。下級軍官

傷亡更多。故一方悉調援軍口師至前方。築新陣地應戰。一方調王張兩部至口口口口口口間休養。

路透社十日北平電。聞古北口外現正在鏖戰中。張學良軍掘壕而守。抵禦甚力。據中國方面消息。今日破曉前。日軍對古北口華軍陣線取總攻勢。炮隊飛機同時並用。竭盡方法。至下午五時。華軍陣線絲毫未動。刻雙方仍在臥虎山激戰。此役先由張學良軍隊獨當其衝。日中口口口口之第口口口師經過古北口前往援助之。

瀋陽外人消息。徵實日軍在古北口遭遇張學良軍隊之強力抵抗。瀋陽日本方面消息。則謂至昨夜止。日軍僅佔領在古北口北華軍陣線前之一小橋。而華軍之增援部隊。仍由古北口向前方輸送。最近三日內。華軍抵抗力愈強云。瀋陽日人盛傳湯玉麟現在豐甯縣。日軍當局現已承認前傳佔領古北口之消息爲不確。據謂華軍在古北口之陣線。極爲鞏固。軍火亦極充足。又謂自熱戰開始。至佔領承德止。日軍僅死十三人。傷四十八人。但古北口經一次之接觸。日軍某支隊一隊中竟死二十九人。

。傷三十九人云。

密雲今晨電話。新開抵通縣之某某兩師。已於八九兩日陸續開抵密雲。一部留防。大部均開古北口左近及口外。應援張王各師。古北口附近。仍由王師負責駐防。口內外居民。因避日機轟炸。三日來逃密者更多。黃包車夫因天寒衣單。有凍死於道者。古北口方面之炮聲與爆炸聲。連日自晨迄晚不斷。我傷兵均經密運平。新來某軍。已派員在密組後方醫院。南方兵士。不如北兵耐冷。狀極瑟縮。

路透社九日北平電。據今夜中國官方消息。華軍對於收復承德府。已下決心。並謂昨日(八日)至今日夜(九日)古北口外入熱河省境二十哩之青石梁。有激烈戰事。昨夜華軍利用日軍飛機無法飛行。將前進之日軍驅退。是役華軍死傷二百餘人。現在該方面作戰者。有華軍二旅。另有中央軍兩師。現正向古北口增援。中國官方。又傳宋哲元現有軍隊二萬人。在喜峯口內。彼等不久即將反攻平泉。同時由多倫及張家口兩處。獲得接濟之孫殿英軍。將由熱北部向承德反攻云。

(五) 關麟激殺敵談

▲古北口外之役受傷五處

▲醫生謂一週後即可痊愈

▲關氏表示仍赴前線抗戰

在古北口前線抗敵之師長關麟激。於十一日負傷歸來。現住協和醫院。今日(十二日)記者往訪。當由醫生導入病室。關師長含笑點頭表示歡迎。關師長面色雖覺微白。然精神覺甚佳。記者致慰勞之意後。適醫生來換藥。乃藉機得一觀其傷勢。而知關師長受傷計五處。右胸一處。左手一處。左股一處。右脛兩處。均爲手溜彈片所傷。血肉模糊。換藥畢。醫生預告其搽藥須稍痛。但關師長於用藥時。仍談笑自若。不以爲苦。裹包已畢。記者詢醫生以診療所得如何。醫生謂傷雖多處。惟胸部一處重要。幸未傷肺。只須將彈片取出。即可無慮。恐其發膿。擬今日下午或明晨

施手術。取出彈片。約一週後。即可痊愈。以關先生剛強之軀。尙足以抵抗此傷云。旋據關師長談稱。「去月二十六日奉命殺敵。當晚即抵京。二十八日出發。全師歡躍。莫不振奮。本月四日。在通州集中。即開赴古北口前線。增防右翼。甫達防地。距敵陣線僅一二里。戰事既開。本人即另率一團。估據龍耳鎮。掩護右側。乃與敵作一猛烈之戰。我軍用武有地。奮勇激戰。至晚。我軍已奪回小地數處。敵方傷亡甚多。十一日拂曉。敵復以萬餘人來。專攻右側。飛機二十一架。猛烈擲彈。大砲射擊。更密如雨。我方防護物缺乏。八時。我忠勇之士卒竟傷亡三分之二。乃冒鋒鏑。蹈砲火。與敵混戰。本人則率一團反攻。敵始挫敗。至下午一時許。敵復進至我第一防線。我團長王雲波竟於斯時陣亡。時兩軍相距。僅數十武。於是互以手榴彈刺刀肉搏。殺聲震天。血光照眼。悲慘壯烈。鬼神爲泣矣。本人連遇三彈。終乃負傷。但幸士卒用命。往昔戰時。輒自願傷亡。茲則一往直前。毫不回顧。犧牲決心。上下同具。故本人雖負傷。與陣地絲毫無礙。現我軍陣地仍舊。本人如一週

愈後。當仍赴前線抗戰」云云。關師長陝西鄠縣人。現年二十八歲。黃埔第一期畢業。與現在前綫之黃杰師長爲同班同學。關師長并笑謂記者云。爲此微傷。何勞慰問。且執戈禦侮。士卒均明大義。縱死何辭。負傷不足道矣。敵雖利器甚神。然不及我之士兵有精神與血氣。只在國人繼續努力。則收復失地。爭取民族自由。在我觀之確爲有辦法云。其言極爲興奮。旋記者告辭。何部長適邀醫院向關師長慰問。并致嘉勉殺敵之意。(十二日北平通訊)

(六) 孫殿英軍絕塞抗敵記

▲四十一軍祕書長由前敵回平

▲痛談赤峯圍場各役苦戰狀況

四十一軍軍長孫殿英之祕書長張履賢。前隨孫氏赴熱抗敵。本月二日晚。敵軍迫近赤峯。將城包圍。孫軍雖奮勇抵抗。卒因敵軍大部猛力壓迫。不得已乃退出城垣。

張亦於是夜退出。腿部受敵彈傷。嗣乃繞行多倫。經張家口於十三日到平。十四日下午一時。在四十一軍辦公處招待平市新聞界。報告孫在熱苦戰經過。茲誌其談話如下。「敵軍孫軍長於軍隊開拔前。謁見前張代委員長。請示是否急開。張謂先在昌平等候。孫復謁朱將軍（慶瀾）。朱謂大軍壓境。可速開拔。孫聞言。再度謁張請示。張乃令敵軍開拔。孫當遵令。途中備嘗艱苦。抵承德後。晤湯玉麟。湯表示甚好。並謂赤峯一帶陣地。均已築成。給養亦已充足。戰事約在一月以後。二月十八日。孫在承德見宋代院長。（子文）張代委員長。（學良）朱將軍（慶瀾）後。遂令敵軍部隊急進。孫本人亦於二十三日離承德。二十六日抵圍場。適接湯玉麟電。謂開魯電話已不通。崔旅亦後退。孫接電後。復電湯。詢崔退往何處。湯未復電。數日後。湯又來電。請對崔旅加以注意。二十八日孫親率本人及參謀等十餘人前進。時丁旅鄭團已到達昌營子。我軍防綫長達百餘里。孫因湯謂赤峯工事業已構成。乃親往查勘。至時則戰壕已被大風填平。孫二十八日晨抵赤峯。時汪團亦到達拉明

安構築工事。李團亦到撒水坡築陣地。孫復電湯。詢友軍作戰地點。湯亦未曾回電。本月一日黎明。有後援會人員二人。由大興達拉返回。謂崔旅不穩。馮占海部亦退下。須五六日可到。此時前線已發現敵軍騎兵。我李團向撒水坡開拔。途遇敵軍。敵見我軍開到。已在山下佈置陣地。距赤峯二十餘里。一日上午十一時。首次接觸。戰至下午二時。敵軍壓迫至赤峯城根。孫軍長當親率所帶之李營抵抗。敵始退回原陣地。因天色已晚。敵軍多寡未能判明。一夜無動作。此時我砲兵在隆化。大部軍隊在舊園場。距赤峯尚有六百里之路程。孫當下緊急命令。調部前來增援。同時令在達拉明安之我軍。抄襲敵軍後路。迄無回報。始知該部亦與敵軍接觸。二日拂曉。孫親率李營前進。一面待援。時敵軍大部開到。李營乃退至赤峯城下。孫親在城上以手槍對李營長。不准後退。否則槍斃。李當跪地向軍長報告。因彈盡糧絕。不得已而退。孫乃令李營再向前進。時圍場之敵軍茂木騎兵二千餘人。分兩路沿城之南北向李營追擊。正接戰時。馮占海軍亦直衝而來。向城內退下。孫遂令馮

部退守烏丹。湯玉麟部退守黑水。以免擾亂防線。馮此時在城內與孫商妥後。夜半一時出城而去。赤峯城內有街衢六道。敵軍以麻袋二千條。在街市築防。二日下午二時。追擊李營之敵軍。忽然撤回。而敵之坦克車。裝甲車。均已滿佈城外。同時進攻。時日機先來一架偵察。旋又來一架。在赤峯西方。一機飛回。一機則在該處上空盤旋不去。旋敵機六架。結隊而來。在該處連擲重彈五六十枚。後始判明該處爲我援軍一營在固都河被炸。赤峯城內之子彈手溜彈亦已告罄。戰至晚間。赤峯東門。被敵坦克車衝破。孫卽集合部下。數僅三連。遂由西門退出。敵軍繼由東門闖入。孫率隊至鴨子河地方。時後援隊亦到。復令圍城又戰一夜。至二日晨。西牛波羅固都河劉旅修團二營。亦在與敵拚戰中。二日晚混戰時。始得湯玉麟電。謂已在黑水建平佈防。馮占海部亦在烏丹集合。次日。黑水湯軍一部附逆。一部退走。一部尙未開到。烏丹馮部亦不知去向。敵軍已成孤軍。三日夜。遂由固都河退下。三日舊圍場猴頭溝。已築成陣地。四日始告聯絡完成。近四日來。正在猴頭溝一帶猛

戰。連日激戰結果。我軍獲得敵方垣克車一輛。裝甲車四輛。斃敵四百餘名。孫營受微傷。此時始將部隊由猴頭溝集合於舊圍場。七日。孫軍長到錫子山。八日。由舊圍場退至碑亭子。陰富溝。廣義成三地佈防。孫乃電張請求。張當復電。謂在熱苦拚。實深佩慰。應與後方聯絡。以策安全。後又來電。謂趙承綬傅作義已到察。請與聯絡。本人腿部。係在由赤峯撤退時所傷。九日離錫子山。十日至多倫。返平途中。見趙傅兩部距多倫尚有六十餘里。趙傅二部尚須一週左右。始可開往前綫。我方陣地。在前係東向。現改東南方向佈防。一方面向豐甯方面移動。一軍防隆化敵軍來襲。熱戰以來。敵軍傷亡達千餘人。團營長各有二人負傷。連排長陣亡二十餘人。張營長因奪垣克車。身中子彈十餘處而亡。亦云慘矣。熱河地瘠民貧。飲食均無。給養且須半月發一次。赤峯如不失。尚可維持。赤峯既失。小米飯均不可得。現敵軍食物。即以小米煮熟。隨餓隨食。此外因衣服單薄。士卒每日必凍斃數名。甚有兩腿凍掉者。醫藥亦極缺乏。苦不堪言。又此次戰役中。始終未接到任何方

面命令。前方與後方毫無聯絡。後方接濟更談不到。前方作戰。最初亦絕無準備。即戰壕亦未構築。故有今之退敗云云。（十五日北平通信）

（七） 梁底溝門孫軍與敵血戰

毀唐克車三輛斃敵甚多

孫殿英二十日電平報告。十九日晚薄暮。梁底溝門正面之敵。以騎兵三千餘人。擊我左翼。唐克裝甲車五十餘輛。並大部兵力。向我地猛衝。加以野砲二十餘門。同時射擊。我部官兵沉着應戰。均不還槍。及唐克車衝至近前。喊殺聲起。以大刀手溜彈相拚。敵始不支。向後敗退。此戰最慘者。當我軍官兵爭奪唐克車時。敵在唐克車內。有以機槍掃射者。有以山砲子母彈轟炸者。至官兵陣亡九十餘名。始將唐克車摧毀三輛。斃敵一百七十八名。擄敵中隊長山野大郎一員。不日送平。至發電時止。仍在激戰中。（二十三日中央電）

(八) 灤東前線視察記

密雲不雨之抗日計劃。久陷於不戰不守之局。頃自保定會議後。大局竟急轉而下。張學良談笑釋兵。何應欽翩然北上。致平津部署一新。軍心大振，幾曾刀劍相見於疆場之各部分之武裝同志。雲集燕趙。競攜手以共赴國難。輓近古北口空軍及及冷口諸戰役。雖勝負互見。令人悲喜交集。而敵愾同仇之氣概。固仍氣壯河山也。記者於日前乘北甯車東去。考察我抗日戰局左翼軍前方情況。旅途車中適有參加熱河戰役之軍官某。談及殲倭情形極詳盡。對於熱河民衆甘心附逆以牽掣

我軍行動

之說。力闢其妄。謂「熱河百姓處湯玉麟暴斂之下。因而遷怒於一切官府。乘倭賊寇熱竟爲虎作倀者。雖有究屬少數。其深明大義。憬憧於「亡國奴」之滋味。奮發以協助軍事行動者。仍所在多有。猶憶我軍當凌源挫敗背進時。宿營地之百姓。竟痛哭失聲齊呼。『我們也要當亡國奴了。』又於某夜到達一

村。似事前知將有軍隊經過。竟備好小米稀飯及鹹菜以待。枵腹經日之弟兄。竟得溫飽一頓飯。後村民之年力精壯者數人。報奮勇願充嚮導。於朔風凜冽之蚤夜。摸索在冰雪埋沒之崎嶇山徑中。從間道送吾等出境。回想得有今日之靦然人世。真熱河

百姓之賜

惜乎我輩生入漢關。思之愧斃簞食壺漿之同胞多多。『言至此。列車行近楊村附近之平津汽車路。適有汽車疾馳而過。該軍官忽告記者曰。『頃聞汽車鳴鳴之聲。忽想起某日我軍退却行經冷口時。吾等頭上忽來飛機一架。低空盤旋。因瞥見該機兩翼無旭日徽章。疑非敵機。弟兄們齊聲歡呼謂。『我們中國的飛機來了。』言未已。不料該飛機突拋一彈。兵然巨聲震醒了戰士們渴望中國飛機的迷夢。剎那間莫須有的安慰。又變成烈火般。憤怒與痛罵。回想當時。忽喜忽悲的情況。說來令人可笑可哭。上午十一時許列車過塘沽車站。遙望東方

茫茫碧海

中。隱約有日艦四五隻出沒。近瞰我大沽口砲台殘跡。猶與驚

濤駭浪相掙扎。顧景生情。撫今追昔。真令人不堪回首話當年矣。記者此行本擬東行至石河前方。視察情況。到雷莊車站。（灤州西四十里左右之小站。）邂逅某軍高級軍官。當告以東方旅行目的。承彼示意謂無東去必要。語氣極誠懇而又爽厲。顧當時情形。誠弦外有音。似諷記者以東戰場陣地最近或有變更。於是遂決定東行止於灤州。越時火車到達目的之灤州車站。下車時料峭春寒。幾令人不堪支持。站台上除持衝鋒機槍守備之武裝同志往來巡梭外。行人絕少。征車載道。落日西斜。東顧則

關山縹渺

景物皆非。嗚咽自流之灤河。豈卽今日之鴻溝天塹乎。車站附近棧房商號。滿住商震部下隊伍。記者百般尋覓得就憩於一卑污難堪之店家。因念灤州雖地勢衝要。仍屬後方性質。茲尙無調查必要。翌日遂買車赴冷口方面之遷安等處。藉視凌南戰役新挫後。各部隊收容情況及其佈置。途次見自口日起。沿往冷口之□□□。隨處可見我軍之散兵壕。交通溝。掩蔽部。及砲兵陣地。曲折蜿蜒凡

十數里。其利用口口口口之巧妙。與構築工事之堅固。殊令人欽佩不置。遐想將來
灤東戰事 激發。此地必留光榮之戰史無疑。是日午刻行至灤州西北之鐵
局寨野雞坨子一帶。適遇某部收容成軍之隊伍。向遷安縣境閃拔。軍裝雖不整齊。
而精神尚極好。所有士兵各個風塵滿面。面孔尤特別清瘦而黧黑。手指足踝。半皆
凍裂。據兵士某告記者謂。『自出發以來。前後凡月餘矣。未嘗一得溫飽。即平時
粗糙難嚥之玉米面窩窩頭。亦不易得。在熱河時就是想喝一碗稍熱的稀粥。都是難
事。常常向老百姓要塊凍高粱米面的餅子。或者自己找幾個冰凍的冷梨。一邊作戰
一邊抱着冷吃。還算幸事。有一次大約是在冷口外一帶挨了整天的餓。還要和敵人
甲車飛機周旋

飢渴無法

只好飽餐塊雪球以果腹。聆其所述真傷心痛語。彼時觀看疲
億萬分之士兵。蹣跚於風沙途中。不覺同情之淚。奪眶而出。是晚記者宿遷安縣境
之口口口鎮。鎮駐某師之司令部。越二日記者先後至遷安盧龍等縣。據百姓告記者

謂。駐軍雖新收容之士兵。紀律極好。軍民相安相弔。情況極歡洽而無恐悸匿怨之色。記得某日在盧龍境之灤河上游。有某軍部收容隊伍一營。當構築工事畢回宿營地時。士兵肩鍬鎬彳于於冰雪途中。口中齊唱。「：那怕他：三千鐵甲。：十萬雄兵！：」

邊城落照

壯士吭歌。此情此景顧亦壯哉。按記者行經各地本甚閉塞。教育極不發達。然對於招待軍隊或供給需求。均樂於輸將。偶詢及鄉老村媪及三尺頑童。無不切齒於暴日。其認識之清楚。殊出人意想之外。東行凡五六日。於本月十九日由北甯路線雷莊車站乘車返平。該日西上列車多誤點至兩句鐘以上。關係沿線兵車太多。又因各站均堆積大批給養及彈藥。車行極困難。所在充滿戰事狀態。歸途於漢冶車站。適遇龐炳勳部砲兵旅兵軍東駛。燈光閃爍下。瞬見我莫武之健兒。伴砲身騾馬之黑影。於

悲壯車笛

聲中。竟匆匆以東去。就近日刺探所得。灤東似佈成背水新陣

決誘敵深入。思合圍而聚殲之。絕非普通轉進比也。夜十一時經天津站。瞥見大隊救護隊執擔架鵠候前方傷兵到來。顧各人儀態極煥發而又有紀律。其共赴國難之精神。殊令人健羨不置。記者於萬籟無聲中再詣北平。綜計此次雖未至第一線目覩殺敵情形。然就軍人之以身許國。與夫民衆之深明大義。倘當局運籌有方。無失其時機。則摧彼醜虜還我河山固非難事也。

第四編 義勇軍抗敵記

(一) 義軍王慎盧鄭桂林兩部圍攻九門

十日記

嚮水特訊。記者自遼西各地視察義軍後。於一月二十五日道經臨榆縣。石門寨。聞東北義勇軍獨立第八梯隊王慎盧部。及第五路鄭桂林部。以九門口形勢險要。不可久失。即日誓師。進兵會攻。記者聞訊。趕赴某地。面晤王鄭二司令。當即隨軍出發前方。駐於義軍司令部計十日。並於我軍進佔九門之時。在九門附近攝得影片十餘幅。特附印於后。以饗讀者。兩軍此次作戰詳況。臚述於左。另繪我敵兩軍陣地略圖一幅。俾資參閱。

九門地勢險要

九門口在榆關之西北十三里。東西平曠。西南北三面。峻

山環繞。高可千仞。其南北兩峯之巔。有長城對峙。城上各有砲樓數座。有一夫當

關。萬夫莫開之勢。兩峯之斷缺處。卽所謂九門口是也。口左有城一座。倚山作橢圓形。僅有東西兩門。可通出入。口右則淺溪如帶。蜿蜒東流。夏漲冬涸。交通不便。此縣志稱曰九門口水。地勢險要。爲歷代兵家所必爭之地。民十一。民十二奉直兩次搆兵。在九門口血戰旬日夜。最後奉軍進佔九門。以一路入關東向。截斷直軍前線。另以一路西進平津。

王部首夜突擊

東北義勇軍獨立第八梯隊王慎廬部。原爲曾隨十九軍翁照垣旅長在吳淞與日軍血戰之鐵血軍。上海市民義勇軍。上海學生義勇軍。東北志願團。及其他各部所改編。士兵皆係智識份子。愛國男兒。誓以極大之犧牲精神。願做熱烈抗日工作。自去年淞滬戰爭停戰協定簽定後。卽相率出關殺敵。歷次在錦西綏中前所與城各地與日軍鏖戰。所向披靡。上月初旬。軍次塞外。驚聞榆關事變。乃率師馳往增援。廿五日。至城子峪。又聞九門口繼失。士兵皆憤慨異常。痛哭捶胸。泣不可仰。公舉各隊長向司令官請纓。請立進至九門。滅彼朝食。司令官嘉其



圖 勢 形 區 戰 門 九

志。乃邀義軍第五路鄭桂林司令所部。前進會攻。及暮。鄭軍向未至。王司令乃先挑選所部精銳二百人由參謀長喻翊忠率領。晚七時發自莊河。繞道深林峻嶺間。行五十餘里。時已午夜。始抵夕陽口。分兵二路。各向東西二門突擊。方其哨兵。發其鎗械。奮勇入城。呼聲震天。時日軍方在酣睡。毫末戒備。聞聲驚起。倉惶失措。皆亟抱鎗踰城而逃。我軍乘勢追擊城外。以手榴彈手

鎗痛擊之。彈聲響處。血肉橫飛。激戰一時餘。守九門日軍之一聯隊。爲我軍擊斃者。多至二三十人。我軍重傷數人。時至拂曉。榆關日軍第八師團聞急。飛遣援軍步騎兵各一聯隊。分乘車馬。直迎九門而來。又遣飛機兩架。向我軍投彈數十枚。我軍以缺乏新式器械。不得已退至附近山中待援。

鄭部來援鏖戰

次日。東北義勇軍第五路鄭桂林司令急召原駐寨外大店子。曹家房子。花戶莊一帶所部入關來援。廿八日午後。抵黃土嶺。待命進攻九門。又令該路副司令吳金鐸。率其精銳之師。在婁家溝集合待命。當夜十一時。分兵二路。向九門夾攻。先是日軍聞訊。已將城垣四圍堅築三道鐵絲電網。兼於城之倒塌處。用木材和泥加築甚固。東西兩門。則嚴加緊閉。門內高堆沙包。藉資固守。兼於城上置機槍四架。城外高嶺及南北兩邊城之砲樓。預置野砲五門。以禦我軍。我軍乃由城背山徑。急越而下。待抵城根。先以利斧破壞其防禦物。再以城梯奮勇爬城。日軍急以機槍掃射。而我軍愈奮不顧身。羣以手榴彈向城上還擊。一振聲威。

精銳百餘人。分路各向指定敵軍砲位進擊。而第五路之一部於夜十時許在馬家灣集。合。向九門之東南兩面夾攻。不意敵軍早測知我意。已先將砲位移動。敵復又增援三百人。並連發照明彈十餘次。隨即以重砲向我軍陣地轟擊。我軍亦以迫擊砲還擊不已。終夜雙方均未能接近。互有傷亡。次日天曉。敵軍第八師團又由榆關開來裝甲汽車四輛。後隨騎步兵計四百人。我軍士兵奮勇異常。在狹隘處迎頭痛擊。裝甲汽車遂悉數被毀。並獲機槍十餘支。斃敵二十餘人。我軍乃向山中退至原防。

王部最後血戰

二月一日。第五路軍鄭桂林部以九門敵軍防禦工事堅固。數日來未能得手。乃變更戰略。召集所部。由大毛山口出邊城。擬至興城綏中一帶進擾日軍後方。獨立第八梯隊是夜亦令其一小部隊回九門附近擾亂。其餘則在田家崗。豬熊峪葦子峪。一帶休養。以待明日再大舉反攻。二日獨立第八梯隊王司令官決於是夜大舉反攻九門。分兵三路。以一路於午後四時在響水出發。迂迴深林峭壁。越邊城。行六十里以回攻敵軍左後方之新台子要隘。以另一路繞道塔山。直攻

左側九門東老爺廟敵砲兵陣地。更以餘一路繞過新莊。進擊右側砲兵陣地。（參閱附地圖）。並施用爆破藥具。轟毀西門。限夜十時前各路齊達目的地。先奪新台子以放火爲號。繼爆毀其西門。羣衝鋒而入。城內火起。彈丸如雨。殺聲震天。血肉橫飛。斃敵百餘。獲械無算。敵軍猶頑抗。我軍愈奮發。最後敵軍潰退四走。砲火亂擊。我軍沉着應戰。彈不虛發。時抵拂曉。敵援車至。力圖反攻。我軍以缺乏新式利器。未能堅守。乃分途退歸。是夜戰況之烈。當稱希有。士兵歸來。傷者其半。襁履皆穿。衣袴盡赤。腹飢口渴。疲蔽不堪。確非具有最大犧牲之愛國青年決難當此。三四兩日。我軍士兵以連日激戰。疲乏過度。加以掃盡彈絕。衣履不周。不得已暫行退休。以待後方接濟。再圖進攻。五日。我軍探悉日軍以朝陽。北票。綏中。興城一帶義軍大舉進攻。昨夜已將榆關九門口之守軍抽調往援。現九門口之日軍。與偽警合計不足百人。我軍適又增援生力軍一隊。士氣大盛。王司令官即急召各隊長面授最後進攻九門機宜。是晚七時半。司令官即令各隊率衆出發。不鳴一槍

。先以一隊黑夜登城。再以一隊分待東西二門外。俟城上舉火爲號。猛攻而入。更以一隊登山奪敵砲位。我軍入城後與敵作白刃戰。計斃敵三十餘人。獲槍十餘枝。敵膽寒。乃奮門而出。潰退山中。次日午。敵派裝甲汽車率大隊騎步兵來援。我軍乃退出城外。迎頭痛擊。雙方各有死亡。一時後我軍退至原防云。

(二) 義軍鄭桂林部扼險抗敵經過

東北民衆救國義勇軍第五路司令鄭桂林部。九一八以來。轉戰關外興城綏中一帶。威名頗震。歷經擴充。全部已過三萬餘人。榆關失陷後。卽入熱參戰。刻正扼守長城要隘大毛山口等地抗敵。對於喜峯口九門口兩面圍軍。頗多援助。頃因東北當局更易。鄭氏特派其總參議李超一氏代表來平。接洽一切。據談如次。

入熱參戰經過

敵軍自九一八後。卽轉戰於遼西興城綏中各地抗日。因械彈給養缺乏。完全採用遊擊戰術。年餘以來。頗創頑寇。原期國軍一旦出關。卽可協同復我河山。一洗奇辱。不料夙志未酬。榆關復告失守。與綏與榆相連。爲敵軍

入關侵熱要道。敵部橫刀立馬。於偽奉路及錦朝路間。適阻敵車進路。自一月下旬起。敵我遂連日均在接觸。嗣熱河大戰揭幕。敵軍三萬餘人。乃分爲二路。一部潛伏於興綏山谷間待機。一部即由鄭司令率領入熱參戰。初不料國軍節節撤退。兩旬間竟棄熱河。殊堪痛心。劉司令見大勢已去。不得已乃協同國軍退守長城。司令部設於口口口指揮一切。

分謁蔣何報告

惟械彈給養兩缺。且守險與遊擊作戰不同。傷亡較前爲衆

。雖上下均具必死決心。但不早謀充分補助。勢頗危殆。本月十三日鄭司令聞何部長來平。代理軍分會委員長職。及蔣委員長抵保消息。乃於十四日派余來平。代表謁見蔣委員長及何代委員長請示機宜。並懇接濟。今日(十五)上午十時。特赴軍分會謁見何代委員長。承蒙接見。對於敵軍戰况垂詢頗詳。極荷嘉許。並允設法接濟。余因前方戰事緊急。亟待返防。即定於今晚(十五)七時。搭平漢車赴保。謁見蔣委員長報告。關於敵軍本年來作戰情形。異常緊張。大小凡數十戰。其中尤以九門口

等十餘役爲最激烈。

九門口大血戰

一月念六日下午七時許。敵軍吳副司令率領所屬第六旅第二旅及第三梯隊。在長城外婁家溝。鉄廠堡集合。向九門口東南兩面敵軍進攻。我第八旅第四旅及第三旅由長城內在黃土嶺子夕陽口集合。向九門口西北兩面集合。日軍以機關槍大砲抵抗。激戰極猛。我軍奮勇爬近城邊。以手榴彈進內拋擲。一部出城即與敵發生巷戰。肉搏多時。因彈藥告盡撤退。當由城躍出時跌傷三十餘名。斃敵百餘名。至念七日拂曉。日軍由山海關前所派騎兵三百人攜砲十餘門。汽車六輛。向九門口增援。我軍一面據山抵抗。一面由九門口東南之李家堡攻敵側背。敵不支潰退。守城不出。我軍乃用輪戰法晝夜進攻。至二月二日止。血戰七晝夜。共計斃敵四五百人。獲大小槍五十餘枝。炸燬敵裝甲車兩輛。我軍共死亡五十餘名。是役後。日軍開始攻熱。鄭司令遂留一部威脅九門敵軍。率一部東進繞擊敵軍側背。俾國防軍得以佈齊防禦工事。

兩次擊退敵逆

二月七日，我第三梯隊於下午九時。進攻宿營於天高甸子日軍。同時第六梯隊及十二旅攻擊馮家屯日軍。激戰徹夜。共斃敵二百餘名。我軍傷亡五六十名。十三日日軍步兵千餘名。携汽車二十餘輛。砲十門。由綏中北進。至高台堡。與我第四梯隊及廿二旅發生遭遇戰。鄭司令聞訊。當即令第三梯隊由荒地桃園迂迴高台堡後方施行包抄。敵不支。向綏中潰退。我軍傷亡三十餘名。斃敵六十餘名。二月廿六日下午二時許。日軍步兵二千餘名。騎兵一百餘名。携砲十餘門。坦克車十餘輛。汽車百餘輛。及民車六百餘輛。由綏中東西岔口。鐵爐溝。白楊溝。進攻我第六梯隊及第三十五旅。發生激戰。至下午六時。敵以機關槍掃射。我以迫擊砲猛轟。相持歷二小時。敵見勢不能逞。退去。計斃敵百餘名。獲大小槍五十餘支。我軍死亡二十餘人。同日敵軍二千餘名。內附騎砲兵種。復向梨樹溝門推進。

彈藥缺乏失機

二十七日上午二時餘。日軍向平台子葛家屯進攻。勢甚凶猛。我第六梯隊當即還擊。正面第五梯隊由水泉溝葦子溝白山頭山迂迴襲其背面。

以第三梯隊爲預備，往來接應。激戰徹夜。斃敵五六名。我軍傷亡七八名。因彈藥告盡。乃於二十八日撤至秋子溝白棗林一帶休息。嗣日軍步兵約六七百人騎兵二百餘人。携汽車三十餘輛。民車一百餘輛。由綏中向南平坡前進與我第六梯隊接觸。接戰間。我第一二兩梯隊繞擊敵背。佔領馬路嶺。前後夾攻。敵倉皇敗退。我軍傷亡三十餘名斃敵七八十人。復因彈藥不足。未能深追。

東陝杖子激戰

三月六日。日軍三千餘名。砲六門。騎兵三百餘名。由孤子山四家子向紅廟子明水塘門進攻。並用飛機七架助戰。初由我第一梯隊據山抵抗六小時。因彈藥告盡撤退。紅廟子及明水塘門相繼失守。鄭司令聞報親率衛侍隊督戰。當時有敵機三架投彈。被我衛侍隊擊落。雙方遂在東西板子對峙。三月七日拂曉。我軍子彈運到。當命第三八兩旅向東杖子。腰嶺子宿營之日軍反攻。激戰多時。敵增加援隊。更以飛機六架。向我投彈。並用機槍掃射。司令部沈副官長及三十四旅任旅長均負傷，但我軍死據山險抗戰。由第四六兩梯隊迂迴敵側進攻。同時第十

二旅埋伏白棗林兩旁高山上邀擊。復擊落敵機一架。機身焚燬。機件爲我所獲。

扼守長城要塞

三月八日。我軍復因彈盡。由時家杖子。白棗林子向玻璃台子。乾松樹。龍土廟。一帶退却。令第三。十二。念。念四各旅爲掩護隊。二十旅常旅長受傷。嗣十二旅被敵包圍。我軍復回戰。由第三十五旅由山道迂迴。出大楊樹溝。向東杖子襲敵後路。遇敵運輸隊。乃將敵糧盡數焚燬。並得步槍子彈七萬粒。及平射砲彈十五箱敵聞訊大亂。十二旅乘突圍下山與敵肉搏。砍死日軍二百餘名。我軍當即相率撤退。未幾敵騎兵四百餘復追至乾松樹。我軍三旅且戰且退。至九日晨。乃達集合地點至下午據探報。國防軍第十六旅六四七團二營營長率部叛變。已引日軍前來。我軍當即南開。填防無名口。黃士嶺子口。大毛山口。夕陽口等長城諸要隘。

復板長峪陣地

三月十日下午六時。日逆軍進佔板長峪。該地及義院口均爲國軍第十六旅防地。該地失守。同時義院口亦告緊張。我吳副司令乃率第念二旅

第九師一部及第卅五旅。於十一日上午四時。向敵進攻。利用山勢。居高臨下。俟敵接近。即用手榴彈轟炸。敵頑強抵抗。激戰至上午十一時。日機三架向我轟炸。並以最低飛行用機槍掃射。同時更增加步兵七百餘名。及大砲六七門。向我猛烈攻擊。聲撼山岳。激戰多時。我第六梯隊由小河口迂迴敵之後方。用砲猛轟。敵敗退。板長峪陣地當即克復。是時日軍四五百名。正向義院口進攻。我軍復派第六梯隊及第六旅馳援。立將敵軍擊退。我軍傷亡二百卅餘名。斃敵三百餘名。

敵犯大毛山口

三月十二日拂曉。日軍千餘名。由叛變國軍營長趙雷爲嚮導。向我大毛口守城第二梯隊進攻。我軍據險扼守。沉着應戰。俟敵人上至半山。我軍以手榴彈迫擊砲轟炸。我第一梯隊並出發無名口迂迴擊敵側背。適日軍二百餘名來犯。雙方當即發生激戰。我軍奮不顧身。前仆後繼。敵不支退却。我軍散回原陣地扼守。未予深追。同時大毛山口外之敵。亦相繼潰退。十三日略較平靜。聞昨（十四）今（十五）。敵復進犯。雙方乃在激戰中云。（三月十六日）

(三) 馮占海將軍電告熱戰經過

熱省事變發生後。馮占海將軍率軍抗戰。損失甚重。因無線電台被敵機炸毀。通訊失利。國內不明真相。其駐滬代表趙濯華維希元。接到馮將軍由多倫通電。報告熱戰經過。并表示誓死決心。一字一淚。異常沉痛。原電如下。

南京中央黨部。國民政府。軍事委員會。各院部會。各省市黨部。各綏靖公署。各省政府鈞鑒。各總司令。各總指揮。各軍師旅長勳鑒。各機關團體。各報社。暨全國父老兄弟諸姊妹賜鑒。倭賊澤叻磨牙。窮張虐餓。既占我東省。復寇我熱疆。占海裂眚戟髯。決死抗戰。乃上月敬戩綏東戰役。敵暗中收買開魯熱軍崔星五旅。領導通遼日軍。深夜襲我宮部。有辰復利用崔旅蒙匪嚮導。以飛機六架。掩護裝甲車及唐克車各數十輛，側趨大沁他拉，圍攻我姚部。時我宮部尙誤認崔旅爲友軍。投鼠忌器。頓受重創。我姚部抗戰終朝。傷亡枕藉。有早下窪戰役。我馮劉王

孫各旅。及馮趙兩衛隊團。三路反攻。劇戰甚烈。血光四濺。骨肉橫飛。卽晚七時廿三分以死傷過多。暫向曲家灣子暨小哈爾道口分途退却。適倭賊利用老河冰道。乘裝甲車卅名。襲我後路。遭遇迎擊。斃敵八十餘名。但我營長趙春山連長韓萬選。李鴻賓等三員及士兵卅餘名。同時被擄。并傷亡我官兵五十餘名。計自宥早以來。我總部無線電台已被敵機炸損。卽附近有線電。亦均被蒙匪破壞。不惟內外消息頓感不通。卽前後軍情亦無法遞送。加以感辰敵卒敵機縱橫追迫。陣線散亂。凌雜不堪。幸我李張馮旅趙團等異常出力。儉丑克復下窪。死守二晝夜。意在將我阜新二四三六各騎兵旅設法援出。迄冬早九時四十分止。五出五進。西退烏丹。重整軍容。抵死固守。占海遂於冬夜遄赴赤峯。與孫軍長殿英會商聯合抗戰方法。江晚仍返烏丹。支早敵機敵車復大批掩至。迄麻午十時止。劇戰兩晝夜。士無隔宿之糧。屍有邱山之積。血花遍地。風雪滿天。忍死支撐。辛酸備歷。爾時赤峯失陷。我烏丹部隊。突陷入東南北三面包圍。不得已率部返抵圍場。再圖死抗。適時孫部駐軍

甚多。不易插足。遂又改道半截塔轉赴多倫集合。稍事整理。誓即反攻。綜計我軍此次綏東大沁他拉下窪小哈爾道口烏丹等戰役。雖前後共斃敵二千餘名。俘百六十餘名。奪輕迫擊炮七門。步鎗三百五十支。輜重車八十七輛。奈我阜新四旅一支隊。迄今孤軍遠門。無法救援。初下窪戰役尙連接。該部漾寅敵未有申三捷電。宥早而後。楚歌四面。消息渺然。現截至真晚止。計點我軍來多各部。實不過官兵二萬九千三百餘名。損失之鉅。至足痛心。顧念田橫五百。項羽八千。義之所存。敢不自奮。特恨漢奸蒙匪。防不勝防。賣國者爲虎作倀。求榮者認賊作父。二三其德。抗日其名。倭賊騙國人以殺國人。國人恃義軍以抗強敵。武器之較。勝負已分。彈藥交缺。兩俱艱困。上則飛機轟炸。下則甲車橫衝。誰非人子。誰無弟昆。清夜捫心。作何感想。願負責者壁上旁觀。守土者公然附逆。國家養兵數十年。而結果遂至於此。亦可哀矣。至我部以通信失利。故乃遠道傳聞。竟有謂占海作戰不力。坐失要塞者。試問迄今阜新戍卒。究係何人部隊。一切防禦武器。究有何人發給。同志

皆附義而來。鎗馬皆士兵所有。雖經年苦戰。愧無寸功。而萬里縱橫。尙稱不屈。在國人勇於私鬥怯於公戰。敗則相責。勝則相爭。讒口中傷。久成習慣。在占海良心猶在。但知衛國。不悉其他。生爲中國人。死爲中國鬼。雖馬革裹屍。亦復何恨。猶念熱省爲平津門戶。熱疆不守。則華北動搖。敵攻於外。共乘於內。列強染指。羣盜垂涎。瓦解土崩。迫於眉睫。脫於此時更不泯滅私見。上下一心。披髮纓冠。共圖挽救。則茫茫禹甸。非復占海所敢知也。刻我部所最感缺乏者。仍爲彈藥。重火器。高射炮。及載重汽車等四項。敬懇積極援助。全力輸將。俾占海努力邊封。無憂內顧。此後僅剩一鎗一卒。亦必與倭賊拚命到底。否到驅羣羊以攻猛敵。徒增虎饑。奈何奈何。寇深矣。國危矣。及今覺悟。尙復有爲。占海不敏。竊願與我賢明當局。暨全國同胞共勉之。刻我部反攻部隊。業向熱省方面推進。力之所及。誓與死戰。臨穎涕泣。不知所云。謹布區區。伏希垂察。馮占海叩號。

第五編 熱河失陷痛記

(一) 熱河陷落經過

東北義勇軍第九軍。最近編爲陸軍第六十三軍之馮占海代表趙濯華。雖冠軍兩君。自前日抵滬後。連日向各方報告熱河失陷之經過。國聞社記者昨晤之於旅邸。茲紀其所談熱河陷落之經過如下。

後方空虛

由承德至阜新及開魯。均爲一千二百里。隸魯原由湯部崔新五旅駐守。朝陽由湯部董福亭旅駐守。介乎開朝之間者。則爲阜新。由敵軍（馮占海部）駐守。自僞軍向我進攻後。我後方遙遙一千二百里之途程。中間無防軍。無兵站。無給養。無餼糧。舉凡一槍一彈。均仰給於承德。一飲一食。均須自行四出尋覓。其不便爲何如乎。

湯弟激變

湯玉麟弟頗欲得董旅之某級軍官之位置。以致激動該旅團之憤

。遂爾倒戈附逆。朝陽一失。全局動搖。敵軍本可由阜新退建平。奈以附逆部隊。以引逆軍佔領建平。敵軍乃奉湯命。集中赤峯。遂由下窪子及大新塔拉向赤峯集中。時孫殿英軍亦由圍場向赤峯增援。竟不幸復生誤會。殊堪扼腕。現敵軍在口口口。孫軍在口口。蘇炳文部由口口南開。已取得聯絡。成犄角之勢。惟此一千二百里之長途中。無後備援軍。致令日僞軍長驅直進。倍極痛心。

南來任務

此次南來。一方面固爲呼籲後援，一方面則爲解釋誤會。今北方當局將陷落熱河之責任。委諸義勇軍之身。試問一千二百里中無兵站。無給養。無援軍。是否對強隣作戰之所宜。是否轉戰年餘。跋涉千里。毫無給養之義勇軍所能專尸其咎。

監委彈劾

昨日報載監察委員劉莪青彈劾張湯之原文。中有「孫以孤軍受崔旅敗退部隊及義勇軍馮占海劉桂堂附逆之影響」等語。閱之殊深駭異。劉桂堂是否附逆。不得而知。敵軍却受飢受寒。跋涉千里。轉戰年餘。爲國犧牲。固百死莫

辭。乃不得政府之援
 助與矜恤。而翻加以
 附逆之名。歷史上留
 此污點。雖終有水落
 石出之時。然其悲憤
 爲如何乎。不將使愛
 國志士衛國健兒痛心
 欲死耶。現已致函京
 友。請向劉我青委員
 處探詢其何所根據而
 云然矣云云。





圖 勢 形 區 戰 河 熱

(二) 熱河淪陷原因

日軍侵熱。僅旬而承德陷落。喪師失地。如此之速。亘古未有。揆厥原因。約有數端。湯玉麟主熱數載。橫征暴斂。任意宰割。怨聲載道。民不堪命。民心既失。難期共守。是以日軍進犯。非特不得後方民衆之助。動輒發生阻礙。行軍禦敵。諸感困難。此其一。熱軍素乏訓練。戰鬥力本不足言。加以欠餉一年以上。軍心渙散。作戰之前。宋張蒞熱。三軍喁喁。滿望可得一飽。乃湯得中央軍費三十萬後。盡入私囊。士卒未得沾潤分毫。財聚則民散理所固然。怨望既深。一遇強敵。莫肯效死。此其二。熱軍不足守土。夫人皆知。然湯玉麟視熱河爲禁地。雅不欲容軍侵入以分其勢。張學良屢欲派兵入熱。均被拒絕。洎乎情勢危急。始允開入一部。而統兵大員。又示拒絕。張意初擬派萬福麟爲援熱軍首領。爲湯所阻。磋商至再。始定張作相。廢時曠日。坐失良機。各軍備置未妥。而日軍已入。倉惶應戰。顧此失彼。此其三。防熱軍隊。分子複雜。無統一之指揮。各自爲謀。不相聯絡。日軍

乘虛而進。突破各路。全線崩潰。此其四。開魯方面。由熱軍崔興五及義勇軍馮占海劉鎮東等部駐防。義軍原歸朱慶瀾所組之遼吉黑後援會指揮。崔氏亦與朱有相當關係。乃熱戰爆發之後。張學良忽指朱指揮無方。將所有義軍改隸軍事分會。另組東北熱河協會。推朱爲主席。專辦後方接濟事宜。義軍譁然。通電反對。同時崔興五

熱河地形圖



旅有改師之議。崔氏滿望提陞。孰意湯玉麟竟以此席畀孟昭甲。崔氏聞訊。大爲失望。態度頓變。其後日軍進攻開魯崔及義軍不戰而退。日軍如入無人之境。直犯赤峯。由開至赤。不下千里。預定防守赤峯之孫殿英部。甫經圍剿。尚未布置就緒。而敵軍突至。倉卒應戰。終難久持。朝陽方面。駐軍董旅。部下無方。激起內變。敵軍進迫。不戰卽潰。天險失守。豺狼入室。凡此軍心不附。均係致敗之極大原因。其五。日軍挾飛機。甲車。大砲。烟彈等利器以侵熱。而我駐軍器械既相懸殊。復以財力時間之關係。防禦設備。直等於零。敵軍來襲。祇以血肉相拚。兵刃既接。犧牲大而持續不易。此其六。張學良負軍事全責。精神才力。俱屬不夠。固難諱言。此次熱戰。除其直屬之東北軍外。有熱軍。義軍。及宋哲元。孫殿英。龐炳勛。商震各軍。在統率上必公必信。始克有濟。乃張於全盤計劃。既欠周密。餉械分配。又失公允。遂致全局失主。調遣不靈。此其七。然由今回溯。徒賦痛恨已耳。熱河既陷。張以全責歸罪於湯。呈請緝辦。保高福麟繼任熱河主席。然各方對張。

殊多責難。並不能罪湯一人。卽算了事。中央鑒於熱事之不可收拾。乃注全力以謀挽救。除令大軍迅速推進外。負軍事重任之蔣委員長亦由贛北上。主持一切。蔣前日(九日)下午四時。由石家莊到保。與張會晤於車中。張誓熱河失陷。引咎自責。對於抗日計劃及個人進退。提出幾種辦法。對其個人問題。第一。願率所部擔任前鋒。恢復失地。以贖前愆。惟中央對於餉械給養。須充分接濟。第二。引咎辭職。請中央卽日照准。退避賢路。並表示個人處境。殊爲困難。言下不勝唏噓感慨。會商結果。決定採第二辦法。准其辭去本兼各職。卽日辦理交代。離開北平。中央暫派何應欽駐平坐鎮。蔣則駐石。主持大計。必要時隨時到平。議定以後。蔣返石家莊。候閻晤商。張則於昨(十日)晨遄返北平。趕辦交代。何應欽亦偕徐庭瑤隨後趕到。張回平後。一面飭屬辦理結束。一方召集部下軍政大員。會商善後。萬福麟于學忠等奉召趕到。當晚在順承王府召集會議。于學忠。張作相。高福麟。王樹常。榮臻。劉哲。及張之親信朱光沐。周大文。胡若愚等均列席。張先報告晤蔣經過及

決定下野離平之苦衷。與會人員。當表示慰留之意。張表示本人久抱引退之心。祇以國難未已。尙冀勉竭駑駘。略盡棉薄。現已形格勢禁。不得不急流勇退。以避賢路。中央已有通盤計劃。望各努力爲國。會議亘七八小時。至今晨四時許始散。當即發出下野通電。準備離平。張於散會後。路事休息。即部署赴滬之一切事宜矣。

(三) 熱河失陷經過

各公團接何遂自平來電云。(銜略)均鑒。據遼吉黑民衆後援會。熱河戰地視察專員何續電稱。續於本月一日抵凌源七十里之葉柏壽。始有戰事。該方面係一百三十師于兆麟部防守。一日夜敵人以甲車數輛。將防線中央突破因該防線未挖外壕故也。該師立由葉柏壽退潰。在凌源各機關及該師師部。亦同時向平泉潰退。二日午前。敵裝甲車長驅直入。該師長於敵入凌源後。始得訊繞道。亦向平泉退却。敵機旋來偵察在凌平大道二十里鋪之輜重行列。前後擲彈多處。午後四時。敵機又來。用機槍掃射。鉅凌源九十里之卅家子。有六八五團及砲兵一部防守。續於敵人入凌源時

。始離該地。沿途潰退紛亂情形。及敵機炸射。均身歷其境。抵卅家子時。見該處防軍。不特未將潰軍收容掩護。且已聞風先逃。其潰軍次序。騎步先行。輜重遺後。且恐前行部隊步履遲緩。頻放槍彈催促速行。潰兵且將輜重遺棄道旁。每車乘坐。砲兵亦將騾馬卸下。乘而逃逸。砲彈狼藉遍地。悉以資敵。一百二十九師在前線。並未有傷兵。一百二十九師聞風先潰。所有死傷者。均係奔潰時自想踐踏槍殺所致。午後八時。敵裝甲車即追過卅家子。平泉即於當時不守矣。萬福麟於一日午後到凌源。稍歇即返平泉。二日午後。聞凌源失守。即向寬城子退却。四日。又退入喜峯口。至莊河橋之三十里。現劃歸萬收容。其殘部一百三十師能到達收容地點。爲數極少。三日大雪。敵機未來偵察。一百二十九師。始得從容退却。於四日在寬城子附近。始遇敵飛機裝甲車襲擊。損失當在三分之二左右。四日。敵已進至大吉口。萬福麟及其所部。均無抵抗能力及決心。喜峯口之防線。倘不速調二十九軍推進。則失守直且夕間事也。續奉朱子橋將軍命。赴前線視察。亦經平泉寬城子入喜峯

口、於九日返平。以上報章所載。皆味真相。誠恐爲人蒙蔽。致誤國防。心所謂危。未敢緘默。謹以奉陳等語。查熱河自九一八事變後。因張湯離離。致義勇軍及東北軍隊。不能越熱境一步。後援會以該地爲抗日要區。經數月疏通。張湯始告合作。東北義軍。自去歲秋杪。無衣無食。不得已向熱邊集合。前後凡十數萬衆。分子複雜。意見紛歧。中央北平軍分會。不欲直接指揮。後援會乃勉盡匹夫有責之義。託由遂等暫予處理。檢關變起。熱局益危。初以敵軍攻我交通路線。爲四機打通北甯南滿鐵路。與熱境義軍警備區域。自開魯綏東阜新迄於凌南。適爲南北平行之線。義軍大部。均屬騎兵。若能推進數十里。即可使敵之交通到處隔斷。萬一失利。亦可向西撤退。不致妨礙赤峯凌源凌南國軍陣地之防禦工作。且偽國軍隊。亦多數與義軍通款。一旦進展。即可響應。今年一月。偽軍會派委員在熱。與朱公及遂等議定。於一月杪以前。完成某種重要工作。其代表并赴中央觀呈計畫有案。一月朔日以來。日機在開魯下窪等處。不斷轟炸。梗日復派日偽聯合軍隊向開魯進攻。適

於是時張學良主張軍令統一。將義軍收歸管轄。後援會立即移交。乃張一再斟酌改編。久而未定。而大敵已刻刻進迫。後援會此時既無權過問。平分會又不與接受。致令熱境義軍。毫無聯絡統系。彈盡糧絕。呼籲無門。後援會雖或代請餉項。或代請從速發表。指揮統系。張概置之不理。開魯一隅。自一月崩日起。每日受敵猛攻轟炸。支至敬日。凡四十日之久。遂以張之遷延貽誤。義軍遂至不能不退。而綏東阜新下窪各處。亦受影響。而前線牽動矣。義軍之由張因循致敗。既已如此。茲據前電。國軍三月一日。在葉柏壽開始發生戰端。以張本部主力軍數師之衆。竟爲數輛戰車所突破。全線爭先潰散。輜重彈械。遺棄遍地。由三月一日夜。直至三月四日。尙未能收集。湯玉麟之棄承德。尙在三月二日夜間則張學良全部主力之潰散。非因承德之失。可以相見。如此僨事。誠亘古未有之奇恥也。總厥原因。則高級指揮官。徒作威福。毫無能力。在下者則營私掎克。人民憤而生變一也。對於軍餉。任意侵飽。此次中央所發鉅額軍費。軍隊所得。不過二十二萬。給養無着飢寒不恤。

。將士感怒。二也。戰鬥序列。久未歸定。指揮統系。幾等於無。高級將領。徒想擁兵自衛。保存實力。對敵無作戰決心。此次戰役。迄至退却之際。防線尚未確定。工事亦未完成。遂至如一盤散沙。稍觸即潰。四也。開戰逾月。大軍雲集。兵站不設。醫務未備。使兵民爭食。死傷莫救。五也。賞罰不當。綱紀久弛。六也。諸公熱心黨國。奔走呼號。乃以半載熱血所擁護之熱河。竟於三數月中。繼東北三省而淪陷於二三駭豎之手。事之可痛。甯有過此。用敢臚陳事實。伏乞主持公論。佈之全國。一致聲討。俾誤國之將領。咸服常刑。以振紀綱。而壯士氣。則將來大局。或可有濟。臨穎感憤。不知所云。何遂叩。真。

(四) 承德失陷實況

▲湯玉麟竟不戰而退 ▲義軍驍勇指揮無人

▲孫殿英決心抗暴日 ▲偽軍不忘情於祖國

上海市地方協會發表。電影界張慧冲在上海東北難民救濟會席上談熱河實況云

。主席諸位先生。今日鄙人得參加貴會。報告在熱日擊情形及熱河如何失守之原因。以供貴會進行救國工作之參攷。至爲欣慰。鄙人在去年十一月中旬。由福建十九路軍軍次來滬。携有蔣綏靖主任及蔡將軍等介紹函。預備往東北攝取國軍及義軍抗日實事影片。以盡國民協助政府宣傳之天職。到滬。即請任於頌任鶴藩二君合作計劃。組織前敵攝影隊。并與貴會許克誠先生會晤。蒙許先生加以勸勉。即由魯介紹函。分謁京方北平各主事人員。當於本年一月三十一日。與任錫藩君由滬起程。於二月三日抵平。十三日由後援會運輸處趙主任。派六號專車送入熱。開始工作。凡在前敵指揮各將領。與義軍領袖。及隊伍。皆甚歡迎攝入片中。宋院長張學良及貴會入熱各代表。亦皆相遇。在攝片時。并與談話間探詢各方情形。茲將耳聞目擊事實。擇要報告如下。

承德失守

上海各報所載戰訊。承德於三日失守。其實承德於二日午夜已放棄。放棄時并無攻入之日軍。報載侵入承德之百餘日軍。據鄙人臆斷。并非由正

面馳入。或係預匿於附近之某地。待湯走後出現。因鄙人於二日晚間七時。見馮庸率四人自前方回。據云日軍已至凌源。其時張作相已不在。吾人聞訊出走熱湯扣車運物之工作。已成爲目擊之事實。證以日軍從未派飛機至承德轟炸。及二月二十四日停止供給義軍汽油過去之事實。後援會共有車十七輛可由平榆運至承德。因車輛關係。由承德運往前線。須由湯之交通隊汽車運載。自任命張作相爲總指揮之消息發表後。撥車即有所留難。至二月二十四日。熱湯并停止供給義軍汽油。及日人虛張聲勢。追擊熱湯。掩飾宣傳。可知承德實爲妥協之放棄。至於作戰情形。亦與事實不符。因前方除孫殿英軍外。未必有何激戰。僅於三月三日下午四時。回平歸途中。見有張作相軍約兩團。在離古北口二十里地方。向古北口整隊後退。而張作相在承德所發之第一命令。即令將子彈退回古北口。

義軍不戰

在熱各義軍。對於朱子橋將軍極信仰。且大部對於日軍甚輕視。當鄙人晤老北風時。彼與彼之左右。皆曰。吾人最大之需要食糧與衣服。至於子

彈尙可向敵人搶取。並無畏懼日軍意思。據彼自述。某次彼曾率領弟兄衝過日軍所守之鐵路線。向朱將軍指定地點。領取鎗彈。其他各義軍之表示。亦皆相同。惟人民因生活極苦。對於義軍之就食。不無怨言。自統一軍權。張作相接收義軍之消息發表後。張作相既不親往撫慰。又因熱湯停止供給汽油。而運輸中斷。義軍大都失望。甚有認替張作相立功爲無謂者。益以熱湯軍隊。相繼叛變。情形如此。何能獨責義軍不戰。據鄙人之見解。倘政府能正式任命朱將軍統率義軍。後方能確定辦法。予以完密之接濟。不獨已散之義軍。可以重集。且可擴大其範圍。蓋熱湯大股土匪。絕對不劫後援會之輜運車。若小股土匪。有誤劫後援會運載軍者。祇須一言朱將軍或朱老頭兒之名（若言後援會朱慶瀾朱子橋則不知）卽停止搶劫。甚有將已搶之物送還者。大概義軍皆極勇敢。認擾亂殺戮日軍爲興奮之事。惟缺組織與訓練。至於享名最盛之義軍領袖。其忠勇之精神。未能悉如吾人之意想耳。

湯部叛變

湯部隊伍之叛變。各報已有記載。以欠餉爲第一原因。以熱湯

既得中央軍費。給發價值滬洋三四角之廿五元熱鈔爲二原因。其第三原因。則在當局者既不撫慰。亦不準備聯絡作戰之軍事組織。倘事前指揮者能得其人。已配置充分之隊伍。已有聯絡作戰之組織。而復予以激勵撫慰。則熱湯部隊。或不致叛變也。

孫部英勇 孫殿英軍係由朱將軍催請入熱。計其步行路程近三千里。所有給養極薄。沿路祇能分團前進。士兵皆極英勇。除步鎗外。皆各有大刀一把。肉搏殺敵之用。鄙人於二月十六日在承德晤孫將軍。至廿三日隨孫軍開赴隆化。廿四日至克勒溝。廿六日至赤峯。至廿八日在赤峯之孫軍前鋒。已與由下窪進迫之敵人接觸。孫將軍於次日派車護送吾人回承德。孫將軍爲人極豪爽。具有堅決殺敵立功之決心。當鄙人初抵北平時。有人傳其叛變。鄙人卽力言其不可信。並告最初晤面之報界諸友。自願以頭顱擔保孫必不變。今則事實已爲之證明矣。惟孫將軍給養極薄。彈藥亦頗缺乏。須盡力予以接濟。否則必極危險也。

偽國情形

偽國軍隊中據鄙人所知。其間頗有與義軍聯絡者。因被日軍迫前驅。常在作戰時左右分開。使日軍與義軍直接接觸。有時或爲虛偽之追逐。至僻靜處。以子彈售與義軍。倘全國能一致抵抗。而復能建樹威信。則偽軍起而倒戈亦爲可能之事。綜合鄙人耳聞目擊之事實。熱河之失。並非戰敗。實爲放棄。且熱地山路狹險。即使不戰。而以亂石堆塞路中。亦足牽掣敵軍之行程。若以火油汽油滿置路中待敵人之至。而燃燒之。則雖無地雷等準備。亦可爲應敵之用。今乃坐失天險殊堪痛憤也。

(五) 熱河抗日戰事之前後

熱河爲華北屏障。地勢險峻。異族侵擾華夏。類由此進。往事歷歷。可以覆按。曩日強佔東三省後。卽處心積慮。圖犯熱境。其入寇計劃。係以通遼綏中爲根據地。預先調集大軍。繼分三路進犯。北侵開魯。南寇凌南。中犯朝陽。總計兵力有三堅正西義一等師團。及偽軍張海鷗于芷山邵本良。等部。人數在十萬以上。飛機四十

餘架。唐克及裝甲車三百餘輛。野砲山砲數百門。並有運糧汽車八百餘輛。而其最利之武器。則爲飛機唐克及裝甲車。飛機唐克。已爲世所共知。裝甲車則爲裝甲之輕便鐵甲車。形如數個火車頭相綴。成一列車。四五節相連。一節高一節。節節架設輕砲及機關槍。開駛極速。能爬山。能越壕。行動自如。爲日軍新發明之武器。抗日將士之犧牲於此者。不知凡幾。我方防敵步隊。除熱軍義軍外。計有東北軍五旅。沈克一師。孫殿英兩師。亦分三路應戰。北路開魯方面。由熱軍崔興五騎兵及義軍馮占海。劉鎮東。李海青。鄧文。各部駐防。開魯後路之赤峯。前由孫殿英率師扼守。崔旅僅屬騎兵。戰鬪力薄弱。茂木騎兵。兼程並進。直犯赤峯。孫軍甫行開到。陣地未固。而潰軍奔突。日軍尾至。猝不及防。陣線衝破。正謀恢復。承德又陷。後路已斷。孤軍奮鬥。狂瀾難挽。中路朝陽。南嶺北票等處。由熱軍董福亭旅駐守。凌源。平泉。由萬福麟率東北軍于兆麟。王永盛兩師佈防。萬之總指揮部設平泉。王師及衛隊駐焉。于師駐凌源爲朝陽一路聲援。董福亭御。無方。會以任

用私人。將其部下團長邵本良逼走。邵投偽國。擔任偽師長之職。爲虎作倀。打倒董福亭個人爲口號。誘惑董部。平時邵對士卒及地方上感情不惡。戰事爆發以後。董軍被誘而譁變。南嶺。北票。朝陽。不戰而陷。日軍一面直犯凌源。一面由側面進窺凌南。于軍在凌源。葉柏壽一帶奮勇作戰。終以衆寡不敵。軍器懸殊。喪師過半。城池遂陷。凌源既失。日寇直薄平泉。與王永盛師搏戰。同時由建平方面。出奇兵抄襲承德。湯玉麟聞警失措。不作防守之計。席捲細軟。率其濇隊。星夜棄城遠遁。張作相退至古北口。熱河省垣既不血刃而拱手讓敵。前方軍隊。均行動搖。形勢全非矣。南路凌南紗帽山一帶。我軍有丁喜春孫德荃繆激流各師防守。冷口方面。更有沈克一師策應。日軍迭攻紗帽山不得一逞。死傷枕藉。其後受中路影響。陣地動搖。敵軍進犯。凌南。丁繆各師。奮勇迎擊。斃敵甚衆。終以敵軍飛機甲車之威力過盛。死傷三分之二。始向囉嘛洞一帶後退。丁喜春避入山溝。音信隔絕。故一時盛傳失蹤。繆激流僅率衛隊數十名。沿灤河南下。到達雷莊（灤州西一站）轉來

北平。自承德失守以後。各路軍隊。一面收容集中。一面調兵增援。準備反攻。北路孫殿英部。由赤峯集中圍場。待命進止。現已奉命南進。與大軍取得聯絡。刻正在進展之中。增援部隊。亦由察哈爾前往接應。東路各城。由萬福麟統率。集中三十家子寬城一帶。與敵相持。西路平熱大道上。則另由東北軍王以哲張廷樞等部。在古北口青石梁子等處佈防八日以來。敵軍屢進。終未得逞。及至張學良下野。東北各軍。均由前線撤回。萬福麟。張作相等。先後返平。喜峯口方面另由宋哲元部接防。古北口方面。則由中央軍黃杰。關麟徵兩師參加作戰。日軍於十日全線總攻。古北口方面。激戰兩日。青石梁三間房一帶。堅固陣地。被敵人突破。關師長受傷。損失四五千人。我軍在危急之中。奮勇殺敵。斬獲甚衆。十一日晚間。敵又猛攻。古北口發生街市戰。激戰終夜。我軍已在古北口南某地點。另築新陣線。以禦強寇。喜峯口方面宋部初到。敵已來犯。雙方激戰。互有傷亡。前昨兩日。戰事極烈。我軍士氣甚壯。擄獲日軍二百餘名。槍械甚夥。並破壞日軍甲車十數輛。正在雙

方據險相持。以後戰事如何。當視形勢之推移也。（三月十三日北平通信）

（六）熱河歸客談

失敗情形不堪回首

當義勇軍苦戰熱邊。坐擁重兵之華北將領。誓死抵抗之聲浪。正高唱入雲時。上海慧冲影片公司張慧冲君。爲愛國心所驅使。毅然北上。在熱河戰地攝取抗日戰事真相。期廣事宣傳。詎事與願違。未竟全功。熱河失守。張慧冲等一行人幾經艱險。始克生回。前日已安抵上海。本報記者昨訪晤張君。傾談在熱河時目擊之一切情形。雖明日黃花。但爲中國歷史上最慘痛之一幕。其奇恥印象實令人難忘。特錄之於次。

逃出熱河十分狼狽

張慧冲及演員。自前敵相繼失陷。於上月二十七日退至承德。寓居玉成飯店。當時省城已風聲鶴唳。惟當局好整以暇。只知收拾細軟。直至兵臨城下。猶未戒嚴。本月二日夜晚七時。馮庸自下窪逃回。隨身僅有同志

三男一女。逕往玉成飯店。晤見張慧冲。一聲休矣。雙淚直流。告張。敵騎已距省城不遠。囑速逃生。張等倉皇無措。亟往後援會交通處。商請趙玉璋處長撥車運輸。惟後援會所有汽車。已被湯玉麟扣留。無法可想。至晚九時。探報敵距城已甚近。後援會亦須運人物出險。乃祕密設法。將藏匿於城外之汽車。當夜開出。恐遭湯部攔劫。囑張等連夜步行出城。至距離二十里外之山坡上車。其時新聞報特派員陸詒。亦寓居該飯店。初尙未知警耗。幸張君及前十九路軍砲兵營長吳丹。先後往將陸詒君從睡夢中喚起。倉卒間不遑顧及行李什物。空身踉蹌就道。趕至預約地點。時已夜半。大雪紛紛。沿途兵車絡繹。悉爲湯部押運私產。馳向古北口而去。比見後援會汽車開到。詎已爲熱兵強佔擠滿。喧賓奪主。不可理喻。若輩雖怯於抗敵。但對待國人則甚勇猛。揮鞭舉足。堅拒後援會人及張等上車。逾時。幸後援會續一車到來。佔據之兵尙少。始克勉強攀登。但險遭慘禍。

雪夜隨車荒野慘遇

當後援會汽車駛抵廣仁嶺。車上預佔之兵士。見張

等相繼上車。皆怒目相向。旋見陸詒上車。即揚鞭扑擊。幸張慧冲孔武有力。強援之上。但車中因人多驟形擁擠。兵士憤若輩妨礙其臨時地盤。十分鐘後。即獸性發作。先將南方口音之人攆下汽車。風馳電掣中祇聞救命聲。次將陸詒猛推下車。當時雪深沒脛。荒野無人。又在深夜。幸陸君跌墜雪中。尙未受傷。黑中摸索步行。幸克生還。其詳情陸君當可於通信中報告。茲不贅述。轉瞬慧冲公司演員黃夢覺沈石勇。亦同樣被推下車。其時車行甚速。張君愛莫能助。其中心悲痛憤慨。實非筆墨所能形容。當時諸君生死不明。直至昨日始知皆安然脫險。誠幸事也。車旋馳行於崎嶇山道，忽與巨石相撞。車身欹倒。有一連長一排長被震。同墜車下。桓桓武夫。竟亦不顧。嗣至一峻嶺。兩搭客下車。同心協力。將空車推挽而行。張慧冲至是即被兵士不允其上車。棄諸嶺下。疾馳而去。張氏徬徨荒野。焦急萬狀。俄見一汽車馳來。上載盛妝麗人。即秦城逃走之湯主席姨太太。張出資十五元。要求汽車夫容彼依立汽車踏腳板上。汽車夫竟慨然允諾。遂得仰沐湯氏如夫人恩威。逃至古

北口。由是而附津浦車抵滬。昨日其同伴皆已會合。尙無失散者。惟機噐已全失。僅於萬苦千辛中。帶來攝就戰事影片一萬餘尺耳。

不堪回首目擊情形

張氏談及在熱河目擊一切情形。令人不勝感慨。據

云。日軍長驅直入。實非戰勝。蓋湯王麟實存心委棄耳。義勇軍苦戰經年。給養毫無。後方民衆。雖多捐助。義勇軍能實在收到。殊屬寥寥。尤可恨者。湯王麟常割截接濟。並予種種掣肘。義軍失望之餘。又不服隸張作相指揮。遂軍心渙散。當馮占海至承德時。赤峯即告失守。董旅既叛變。險要即相繼陷落。處處皆予敵以可乘機會。雖有始終不屈之義軍。仍在奮鬥。終亦無濟於事。蓋熱河省軍暗與敵通。後方動搖。全省遂如寸磔。首尾中斷。致一敗不可收拾。孫殿英之四十一軍。一百十七旅。一百十八旅。於上月二十六二十七日開到。今尙在舊圍場一帶作殊死戰。惟接濟斷絕。深爲可慮。孫及石劉兩旅長。誓死不屈。其部下亦勇敢善戰。且皆深知愛國，現在全軍官長。一律日給生活費銅元二十五枚。兵士七枚。且無棉軍衣。而

萬衆一心。毫無怨言。民衆對孫軍亦甚融洽。至對熱河原有軍隊則大異。恨湯刺骨。湯已二年半未發餉。近始發給一月。皆係省鈔。市面須七十五元值國幣一元。而軍隊則強迫人民十足使用。故民怨沸騰。熱河之失。良非無因也。至扣車載運私產情形。已見報載不贅。惟總指揮張作相一日到達承德。第一道命令。即令將二百萬子彈運往古北口。亦令人不解。在熱河南方口音未逃出者。聞爲日軍殘害至慘。其法以打汽筒皮管塞入肛門。打汽入腹。膨脹如鼓。目睛突出。然後蹴之以足。氣破而斃。或用豬鬃插入陽具管中。迫令招出口供。日軍謂中國人不直得費一粒子彈處死云。其慘無人道之情形。不一而足。至於兆麟陣亡消息。則與熱河所聞者不同。僅知于在一日爲日軍俘獲云。張氏又謂義勇軍多綠林豪傑。中有黃顯庭者。其號令尤爲奇特。戰時黃立山上指揮部下。觀黃站立。即須奮勇前進。觀黃蹲下。即須開槍猛擊。見黃退後。則無論何人。可斬黃首級示衆。因是其部下祇知上前。不敢退却。惟少數無賴。假義勇軍作幌子者亦有之。至司令觸目皆是。良莠不齊。未可

一概而論。若能善加指導。亦未始非干城也。張君復述及某軍辱國殘民種種情形。惟記者未便宣布。當時相與歎歎而別。

(七) 熱河創痛之痕

由北平到承德 記者於上月二十三日抵北平。爲了赴熱河的種種準備。不得不在這暮氣深沉的故都。逗留四天。在這四天中我默察一切的一切。都找不出一些共赴國難時應有的緊張狀態和奮興精神。晏安逍遙的氣象。依然充塞於夕陽餘輝中的故都。使人們想不到在這距離數百里外的地方。有飢寒交迫的武裝同志。洒熱血拋頭顱的和敵人拚命。在二十七日的一天。我迅速地把自己應有的準備都辦妥了。在二十八日清晨四時。我戴上皮帽。披上長毛茸茸的皮衣。肩荷着簡單的行李。跑到一個指定的地方去集合待車。那時。天上的曉星正睜着閃耀的光芒。俯視着大地上的一切。靜默街頭。祇有幾聲小販呼賣聲和呼嘯的風聲。偶然來打破寂寥。這時也許一般享樂的人們。正興盡意倦的從舞場歸來。擁抱着睡眠惺鬆的愛人。去

追求着甜蜜春夢。而我們這出發赴熱的集團。却戰慄在朔風呼號的廣場中。等待着一輛運貨車。在五點鐘。我們的車來了。大家都攀登上無蓬的車頂。各就各位的坐下了。車夫就開始發動引擎。疾駛北行了。

我們同車的共十二位同志。有老年人。有青年人。也有中年人。雖然各人有各人的使命和任務。可是抗日的目標是一致的。在車中我們痛快的激昂的談笑着。精神上非常的愉快。竟忘了貨車顛簸的痛苦。朔風的寒冷。有時候汽車經過險要的崇山斜披時。我們彼此都相依着相助着。我們是整個的共患難的集團了。行行復行行。在中午的時候。我們到達了以險要著稱的古北口和南天門。那裏四面都是高嶺崇山。山頂積着皚然的白雪。山路崎嶇。僅通一條行人狹道。汽車迂迴曲折的在山道上行駛。使人們不敢俯視着下面的絕懸峻崖。從古北口北行二三里。就可見橫亘萬里的長城。雖然城垣已經舊毀。但我們民族在古代禦侮的歷史光輝。却依然是閃耀着。偉大雄壯的萬里長城啊。我們現在強寇壓境。如是不能捍衛日本帝國主義的侵

略的話。我們真愧對這具有歷史光輝的萬里長城。

經過了萬里長城。沿途都是峯巒四起的高山。形勢非常險要。下午二時經熱河省境的灤平縣。四時許。到達我們的目的地承德。

在承德的兩天

在我到達承德的翌日。早上下了天鵝絨般的大雪。把蕭條狹小的街道。和矮小的平房。都蓋上了一層銀灰色的光輝。一般住在玉成飯店內的旅客。都在各人自己的房中圍坑取暖。我却爲了急於向各方接洽的緣故。便僱着一輛人力車。冒雪出發。先到行宮裏省政府熱河邊防軍司令部及義軍後援會中去訪要人，那時只有上午十點鐘。這幾個機關中的要人。都尙酣臥在溫柔鄉中。所以只飽看一般烟容滿面的門房的冷臉。碰着釘子回來。繼着便到省黨部。由張甘兩位委員出面接見。他們說。在這熱河危急存亡的時候。黨部很想做些工作。可是一切的一切。都要聽命於黨務委員湯玉麟。所以結果一件事都不敢做。不能做。並且熱河的民衆。久處於軍閥壓迫之下。一些不敢有所表示。有所舉動。我聽了這些話。好像

澆了一盆冷水一樣。當我回去的時候。看見街道上滿是些穿着敵衣舊履的熱軍。腳躑在街頭談論發餉。後來回去調查。才知湯玉麟對於所部兵士。已有十六個月不發一文。此次因日軍侵熱。所以才發了二十元熱河省興業銀行的鈔票。（等於僱上通用之銀幣四角）街上的商店都緊閉着大門。靜默得像元旦日一樣。爲的是怕這些軍隊搶劫。一到晚上。路上行人絕迹。滿街都是三三兩兩的軍人。這倒也不是因爲前方抗日的緣故而宣布戒嚴。却是因爲兵士常常搶劫路人的友裳和財物。所以大家都有了戒心。那天晚上。記者因各方奔走毫無所得。所以很早便睡了。

三月二日早上。記者預備搭後援會的運輸車赴赤峯。那天汽車開車的時間。預定在早上六時。我們就在五時起身。把一切的行裝都準備好了。可是從晨光微照中等起。一值候到上午十時。汽車還是不開。據後援會運輸處中人說。是沒有汽油。但是數百箱的汽油。明明安置在人們的眼前。這其間的原因當然是不問可知了。我赴赤峯的計畫。既然失敗。於是就向各方找其他的線索。在街上不期而遇的見了一位以

前在十九路軍炮兵營做營長的吳丹同志。他很高興的約我到他家中去談話。他告訴我前方的各種情形。並慷慨激昂的談到去年一二八滬戰中的往事。中午的時候。敵機兩架。翱翔自東而來在承德的空中往返盤旋。擲下了數種傳單。一種是警告熱河省人民書。一種是圖畫標語。上面繪着數十架飛機在空中擲彈轟炸人民。及房屋。旁邊四句不通的話。不怕飛機不怕飛。只怕他飛下來蛋。滿州國人不要怕。胡匪亂黨一齊怕。當日飛機在空中盤旋的時候。許多老百姓和士兵都害怕得混亂起來了。不多時。這兩架鐵鳥便毫不留情的擲下了兩枚炸彈。都中在距熱河前面十餘里的地方。並沒有傷人。祇是炸死了一條耕牛。

湯玉麟派人監視記者

當記者到達熱河的第三日。湯玉麟偵悉記者的住址。便派了一個報信的交際科長趙某。到我的住所中來談話。起先說了一大堆的恭維話。繼着便談到熱省的政治問題。他說熱省多山地。所出農產很少。地方經濟情形極苦。湯主席在這樣的一個環境下。便不能不叫農民種些鴉片。記者恭聆到這位

烟容滿臉的交際科長譚話。內心倒很是欽佩。因為像這樣虐民的軍閥。強迫人民種烟。每畝勒索十六元的鉅額捐稅。還有其他各種聞所未聞的苛捐雜稅。來吮吸着民衆的血汗的罪惡。都給這位靈敏的交際科長藝術化的談話。輕描淡寫的從容論過去了。最後我實在聽得不耐煩了。便不大去理會他。誰知他忽然換了一副很嚴重的聲口對我說。我是奉了主席的命令。特來終日陪伴先生。以解先生之寂寞的。這時我知道他是奉命來監視我。所以我也就假作癡聾的和他談下去。下午三時。路透社戰地特派員約克氏和美國聯合社記者沙頓氏來訪我。他們對我講湯主席約他們三時去談話。可是他們不懂華語。而湯氏左右又無一人能諳英語。特請我代他們翻譯。我爲了要知道他究竟的真實態度。所以便和兩個外國朋友一同去訪湯了。在一間富麗堂皇的會客室中。我們足足等了一小時。才見到這個政府干城之奇的湯主席。慢慢的從後廳出來。左右跟了很多人。坐定以後。他便口若懸河的把秘密擬就的談話稿。像背書樣的說了一篇。可是當時他的態度却是很誠懇。很堅決。嗣後。我們要求

他撥一輛汽車給我們上前方去視察。他也一口應允。其實在這天的上午。他早已飭其部下。將承德所有一切的車輛。都押扣在省政府。逐漸的私自運走他五年來在熱河搜括所得的金銀財物。及丰姿窈窕的姨太太們。以致在前方作戰的將士。得不着後方接濟的子彈和糧食。最後我們提出許多俏皮的問題來詢他。他便向左右皺皺眉頭。詭稱要回去更衣。而且要赴前線督戰。便立起來給我們一個不辭而去。

承德失陷前的一剎那 這天晚上(二日)玉成飯店內的空氣異常緊張。大家談的話。都是在議前方是怎樣危緊。敵人已迫近承德的消息。在七點鐘的時候那位義勇軍第七軍團司令馮庸帶了三個如花似玉的女義勇軍從前方奔向玉成飯店來了。他那種急迫膽怯的神情。幾使記者辨別不出他就是名聞海內東門領了高足抗日的現代英雄。我回到自己房中和同居一位天津益世報記者王廷紳及由青島大學趕到承德來工作的蔣澈同志商量。結果大家決定既然有勇氣到承德。便應該有決心死在承德。所以我們三人便在八時愉快的睡覺。以恢復竟日的疲勞。預備明天再抖擻精神

的來努力工作。不料在午夜的時候。前十九路軍砲兵營營長吳丹同志。很急迫衝進我的房中。把我們三人的甜夢都打破。他氣喘喘的說。「因為前方熱軍有一部份譁變。所以建平的陣地爲敵人佔據了。他們現正由小道直趨承德。已離城三十里。所以你們應趕快的逃。先到離承德西面十五里的地方名廣仁嶺。那邊有後援會的五輛汽車等着。我已打電話給他們。叫他們准許你們搭車奔平。」我們聽了他的話。很覺詫異。便在匆遽中拋棄了一切行李。出了玉成飯店。那時玉成飯店前說十輛汽車上。都滿擠着望風披靡的不抵抗軍人。人聲非常嘈雜。情形很是混亂。繼着有些軍官和兵士。因爭奪坐位而開鎗轟擊。還有許多扶老携幼逃難者的哭聲。我們三人出了大街。便用急促的步伐。在黑暗中摸索前進。想起了這般平日兇狠似虎的軍人見了日軍就不抵抗而退。使這大好的山河。頃刻間淪於敵手。數十萬的無辜良民。在旦夕間便成了日軍鎗尖砲口下的亡國奴。我的內心真是痛如刀割。

汽車上軍士們的淫威

在繁星閃耀的黑夜裏。我們冒了大雪。步行了一

小時。就到了廣仁嶺。那裏有數十輛滿載着軍火及士兵的汽車。那時由滬趕前方攝影的張慧冲及其伙伴。都已上了汽車。他們在車上見到了我們。便不顧兵士盒子砲和皮鞭的威脅。出死力的把我們一個個的拉上了車。不料那些灰色動物。獸性大發。把無情的皮鞭。向他們迎頭痛擊。在這樣猛烈的鞭擊下。我們三人被推得從車上跌下來。幸而地上的雪已有二尺多深。所以跌下去還沒有受傷。我在雪中急忙的爬起。再由張君猛力拉上了車。他們二人却仍僵臥在雪中。那時這輛車已開動了在山巔的斜坡上前進。車身走在不平的山路上震動的時候。我們隨時有掉下來跌死在絕崖上的可能性。所以我們在車上互相偎依着。手執着手的互相照顧着。我們決心。在今天就是死也得要死在一處。不料十分鐘後。車上的灰色動物。又騷動起來了。他們用皮鞭像打仇敵似的把我們打下車去。

記者和其餘的二人。忍不住這樣猛烈的鞭打。黑暗中從疾馳的汽車上。箭也似的跌倒在山脚下。那時我的神經。已完全失掉知覺。不過在模糊中。還記得在車上

的張君等。他們在替我們呼救。替我們號哭。

皮鞭給予我的教訓

記者在二尺多深的雪堆中。僵臥了數分鐘後。神經逐漸的清醒起來。忍着鞭痕的創痛。從雪中爬起。踉蹌獨行了幾十步。就發現了兩位皮鞭痛擊而跌下的同志。慧冲影片公司攝影員黃夢覺沈勇石。我把他們從雪中拖了起來。我們三人便在這大風雪的荒山上。互相擁抱。大家虔誠的宣誓。願我們今後共生死。同患難。如果我們竟能得慶生還的話。我們應牢記着日本帝國主義者及不抵抗軍人所給予我們的痛苦及鞭痕。繼着我們便借着雪的銀輝。循着汽車輪的痕跡。向西步行邁進。沿途我們還見到許多被皮鞭打下而跌傷的人們。僵臥在雪中呻吟。有幾個只是靜靜的躺着。連微弱的呼吸聲也已經沒有了。沿途還有卅餘輛滿裝着省政府要人眷屬和行李的運貨汽車。射着耀目的光芒。由東面風馳電掣而來。當每一輛車經過我們身旁時。我們總是站立在車前。用極哀懇的言詞。向他們乞憐。要求他們准許我們搭車。可是這種哀懇乞憐的話。對於這般勇於對內怯於對外的不

抵抗軍人。是完全無用的。他們當時不用話來答復我們。只是用盒子砲和皮鞭來應付我們。最後我們還是再挨了幾了皮鞭。狠狠的讓開。眼巴巴地望着這些汽車向西疾馳而去。這時我們深切的覺悟到。與其向這般無人性的軍人乞憐。還是靠自己兩腿來自救。同時記者更覺悟到中華民族目前所遭遇的厄難。也祇有我們中國民衆自己才能解救。徒想乞憐於國聯或世界列強。或過分的依賴政府。依賴個人英雄。都是不可靠的啊。

一個極淒慘的印象

在大雪中。我們翻山越嶺的走到天明。才到達離承德四十里的灤平縣。就在一家小店中。勉強的把那種不入口的小米。裝進肚裏去。繼着便至灤平縣公安局訪局長。請求他們代僱驢車或馬匹。俾能早日返平。那位公安局長說。剛才奉上峯命令。徵集大批車輛。現正無法徵集。所以實在愛莫能助。不過你們再步行八里。到一個八里莊上。叫他們那裏可以替你們想法。於是我們辭別了公安局長。再鼓勇前進。到了八里莊。由鄉人導引至甲長家中。那位甲長姓李

名俊年已七十二歲。從他那多皺痕的臉上。可看出他確是忠誠樸的老農夫。他聽了我們所申述的來意。便很和藹的對我們說。這村莊上的驢馬及車輛。現都已給軍隊徵集去了。不過既然你們是急切的需要着。那末我可飭村民往他村找到。當時我實在說不出什麼話來感謝他。他後來叫我們在坑上休息。並燒茶給我們吃。我看看他那家無長物的家庭。及幾個面有飢色的小孩子。我對於他那敬獻我們的東西。實在不忍下咽。少頃。一個村民牽着匹驢子到了。我們看了這三匹矮小的驢子。內心非常歡喜。爲了聊表我感謝之忱。我就給這位李甲長五元現洋。他一手拿了錢。用深纏着誠懇的熱烈的眼光。凝視着對我說。「我們幫助你們出門人。是應盡的義務。而且先生這次從數千里外。不辭跋涉的到熱河來。替國家宣傳抗日消息。爲我熱河民衆吶喊出民間的疾苦。我們尤其應當竭誠的幫助。如果我受了你的錢。那末你也許以爲我是做買賣兒的。而忘掉了我們。況且平日待我們很兇狠的軍隊。現在都不顧我們而不抵抗的退却了。也許明後天。我們便要做日軍鎗尖下的亡國奴了。我還

要錢來幹嗎。」說完了這些話。他那昏花的老眼中。淚珠像潮湧一般的流出來了。而我眼眶中的淚珠。也忍不住的淌下。當出門的時候。他還堅執着我的右手。含着淚對我說。「我看你現在年紀尚輕。正是爲國家爲我們民衆努力奮鬥的時期。希望你將來不要忘記我們東北民衆的痛苦。我們今後過牛馬奴隸的亡國奴生活時。我們是無日無時。不在翹盼着祖國熱血的青年。來解救我們出那水深火熱的地獄啊。」我聽了他那更傷心更感人的話。我痛心憤慨得說不出話來。又不敢仰視他那水汪汪的老眼。只是向他行了一個八十度的鞠躬。跨上驢子。揮淚揚鞭而去了。那李甲長還舉着他蹣跚的步武。送出八里莊外半里路。我們別了這老人數分鐘後。回顧大雪籠罩下的八里莊。和那揮手相送的李甲長。我的心真是痛如刀割。這個悲痛的刺激的印象。深鑄在我的腦海。畢生決不會有忘記的一日。

到古北口途中

從八里莊一直出發到古北口。共有一百八十里山路。我們三人和兩個驢夫晝夜不息的趕路。沿途祇見向後轉的不抵抗的軍人。和扶老携幼呼

母喚兒的難民。當走了五十里的路程時。我們便感覺到騎驢雖比步行較速。然兩腿的酸痛。實較步行更甚。可是處於這種千鈞一髮的危境中。我們只知掙扎着逃命。免掉無價值的犧牲。而另找他日「光榮的死」的機遇。在路上我便和兩位驢夫談話。問他們民間的疾苦。他們說「熱河自湯玉麟主政以來。對於民衆。橫征暴斂。無惡不作。人民經他這樣窮兇極惡的搜括。大家都已成骨瘦如柴的活屍一樣。有許多人家的婦女。竟窮得連袴子都沒有。每天只是坐在家裏的坑上挨餓。記得去年有一時候。有幾個村莊上的民衆。因爲反抗湯玉麟強種鴉片的政策。拒納每畝十六元的苛捐。而被湯的軍隊驅全村民衆跳河而死。有的便死在軍隊機關槍的掃射下。並且湯玉麟對於他的軍隊。素不發餉。就是偶而發餉。也不過給些無基金的省銀行紙幣。所以這些軍隊。平日專門以劫取民物。向民衆勒索爲生。我們平常見了這般老總們。簡直是比見了祖宗還要怕。我們民衆雖處於這種水深火熱的地獄中。但至今想不出用什麼方法來反抗它。更沒有人有勇氣來改造這惡劣的環境。」記者聽了他們的

談話。深切的感覺到。熱河的淪亡。並不是在今天。而是早已亡在數年前了。在三日的下午六時。我們已走到了距古北口尚有百里的唐三嶺子。那時夕陽一點點的推移到雲後去。片片的白雲。幻成鮮豔的彩。一塊塊的鑲着金邊。宇宙間的情調。又頓時變成了另一個景象。遠處的山巔。和幾株稀稀落落的松柏。都籠罩上一層金色。我們在荒塚纍纍枯草颯颯的山道中趕路。胸中都充滿了悽然的情緒。

行抵古北口後 黑紗一般的暮色。低低的四垂。皎皓的月。從山邊昇上來了。我們不敢稍作休息的在寒風大雪中繼續邁進。可是走到半夜過後。我那疲憊的身體。實在不能支持了。惺忪的睡眼。禁不住的要閉着。那位忠實誠懇的驢夫。看見我那行將倒下的樣子。急忙用手來扶着前進。這漫漫的長夜。便在這疲乏的趕路中消磨過去了。翌晨。璀璨的曙光。照遍了整個的大地。那遠處古色斑斕的萬里長城。已遙遙地在望。眼前雄偉險要的高嶺。蒼翠欲滴的老松。明澈平靜的深溝。在在都使人留戀紆縈。想到了這樣美麗雄偉的河山。在不久的將來。便將插遍了那血

腥的日章旗。悽然變色。我的淚珠。又不由自主的淌下。當行至距古北口十里路附近時。我困走的身體。不得不從驢上跨下。由兩個驢夫扶着。攀起沉重的步伐。作那牛步化的步行。當到達古北口時。已上午十一點鐘了。在記者進口時。有幾個執着上刺刀的步槍的兵士。向我問明來歷。我就將護照給他們瞧。他們發覺我是前方歸來的隨軍記者。便露着和煦的笑容。請我到他們那裏去談話。我也就毫不隱諱的把前方一切消息。及熱軍不抵抗的事實。都對他們講了。他聽到了這樣痛心的消息後。起先都悲痛得掉下淚來。最後便高舉着拳頭。提高了嗓子。喊出「鎗斃不抵抗的軍事長官。」「我們要立刻上前方去殺敵。」「甯爲戰死鬼。不作亡國奴」等悲壯的口號。從這點上我感覺到軍隊中的下層羣衆；士兵。並不是完全喪心病狂的不抵抗者。不過處於不抵抗長官鐵一般的命令下。不敢單獨行動而已。但環境的逼迫。也許會使他們會自動的提着鎗桿。到前方去做抗日戰士的一日。當我到古北口時。一切的情況。都呈現着混亂慌張的狀態。滿街都是軍隊。商店完全閉門。我費了許多

力量。才找到一家大餅店。去解決我腹中的恐慌。在這家店鋪中。我遇到了一同逃出而後來失散的前晨報記者陸思傑。和益世報的王廷紳。我們大家談着各人逃難的經過。精神非常愉快。下午二時半。我搭着四十一軍後方辦事處的汽車。由古北口返北平。五日下午五時。記者搭平浦聯運車南返。七日下午安抵上海。

返滬後的感想

記者在熱河逗留。先後共三日。而這三日中。從鐵一般的事實中。所啓示我的感想很多。今特撮要略述如下。以作本文結束。這次熱戰的失敗最大的原因有三。(一)湯逆玉麟根本是個貪利媚外的軍閥。主政五年。民怨沸騰。軍心離背。當此強敵壓境時。爲了保全其私人利益計。當然無心抵抗。所以一百二十八個敵人。便可耀武揚威的佔領承德。而使前方苦戰的其他各軍。崩潰慘敗。從此我們應認定。我們必先剷除腐敗的軍閥。才能獲得鬥爭的勝利。(二)熱河民衆久處於傳統思想封建意識的桎梏下。所以既不能堅決的起來驅逐軍閥。更不能英勇的起來反抗日本。所以我們今後不談抗日則已。如欲抗日。必先隨時隨地。鍛鍊民

衆。組織民衆。使他們都成爲鬪爭過程中有力量的戰士。(三)抗日各軍。缺乏嚴密的組織。密切的聯絡。統一的指揮。致終成爲敵人各個擊破。故今後應設法鞏固抗日戰線的陣營。最後。記者深望國人在這日本帝國主義加緊用飛機大炮挖掘他自己坟墓的時候。大家一致地起來。憑着冷靜的理智。認清過去失敗中所得的教訓。緊把住正確的意識。用我們鮮紅的血液。來粉碎這帝國主義的殘骸。爭取中華民族前途的光明。

第六編 各界重要文電

(一) 責難文電

滬人士表示憤概

何隱樵等通電云。各報館公鑒。頃閱本日各報紛載承德失陷消息。至有傳出軍訊。謂據中國當局發言人聲稱。此次失利。義軍不肯作戰等語。內容何若。關心國難者。僅憑報紙揭載。固難斷其真偽。惟吾人平心靜氣。檢閱自九一八事變以後。經過事實。衡情論理。對此傳說。未敢遽信。試問一年來。堅忍禦敵血戰抗日者。究屬何人。所謂轉流絕塞。不屈不撓。為民族爭回人格。為華胄喚起忠魂。何一而非我鐵血男兒。義勇同胞也。至若不崇朝而失讓三省。無抵抗而放棄錦榆。歌衫舞扇。聲色是娛。最近始以一紙通電。聲言動員。舉國上下不咎前非。從而仰讚。可為厚矣。又孰料擁兵自重。帶甲不下數十萬。身負守土全責。乃以熱河天塹。竟讓

倭兵一百二十名長驅直入。誘過義軍。甚謂不發一槍。如此而欲舉國上下。轉移責備。天乎天乎。有是理乎。倘任是非不明。則此後熱心人士。將一提義軍之名。必有疾首痛心。深惡棄絕者矣。鑿紆難共救之熱情。斷資餉接濟之源泉。坐令雪竇健兒。飲彈喪元。慘死於敵人鐵蹄之下。致令國族前途。萬劫不復。事可悲痛。甯過於此。查東北義勇各軍。入死出生。賴海內外各界後援。不斷奮鬥。國際既加重視。敵寇未敢放懷。前閱天津大公報所載通電消息。知全熱義軍。業於前月經北平軍分會統一指揮完整序列。夫以政府民衆雙方共濟之時。此等義軍。於前此則冒萬死而不辭。今則已受國軍待遇。後援似可無慮。乃竟強寇當前。不發一槍。有是理乎。個中繁複。百喙莫辭。究竟是何玄虛。望國人於閱報時。甯靜探索。幸勿悉憑耳食。致爲親者所痛。而讎者所快。同人心所謂危。不得不大聲疾呼。請求全國同胞。特別注意。何隱樵汪鶴泉陳易庵等一百二十四人同叩。歌。

市育教界電請懲張學良

本市教育界江恆源。倪文亞。鄭選善。張仲寰。賈佛如。楊衛玉。釋西谷。盧紹稷。歐元懷。等三百二十餘人。昨代電南京國民政府。行政院。監察院。軍委會等。請處張學良以極刑。原文如下。南京國民政府。行政院。監察院。軍事委員會鈞鑒。暴日既佔東三省。即宣言進攻熱河。一年以來。秣馬厲兵。意圖西犯。此實全國所共見共聞。我政府一再向國民表示。決心長期抵抗。擬有整個計劃。並以邊疆重任。完全寄諸張學良一人。張學良世受國家豢養。無論爲國捐軀。固分所應爾。即對於日人皇姑屯殺父之仇。亦應切齒腐心。力圖報復。乃瀋陽陷後。不思收復失地。先向敵人乞還私產。外報喧傳。爭相駭怪。嗣則錦州不守。拱手讓人。榆關再失。稍戰即退。平日聲色玩好。優游舊都。軍國大事。置諸度外。部曲離心。萬民嗟怨。迨熱河事急。舉國惶惶。遐邇民衆。協力同心。共赴援助。張學良任軍事

重職。調將遣兵。自謂籌備有素。乃敵人西犯。時未經旬。卽全線潰退。張學良所任何事。所謂籌備者安在。爲張學良個人計。早經愧憤自殺。以謝國人。以慰亡父。顧此非可望諸寡廉鮮恥之人也。張學良個人不足惜。其如國家體面何。其如國家紀綱何。我政府果欲稍存國家體面。稍正國家紀綱。使全國四萬七千萬國民。猶能生存於世界。應請毅然下令。處張學良以極刑。須知今日非無可用之軍心。非無可恃之民氣。惟以害馬不去。惡苗不除。故雖有軍而無由殺敵。雖有民而無從禦侮。自九一八事變以來。國家體面之失。紀綱之廢弛。何止一次。又何止一端。將張學良明正典刑。實爲最低限度。若政府并此最低限度而不肯爲。則民族前途。何忍再說。迫切陳詞。伏維鑒察。

市執委會電請嚴懲張湯

並電 責 張 學 良

(一)南京中央執行委員會並轉國民政府鈞鑒。概自暴日入寇。東北淪陷。蠶食

鯨吞。野心未已。窺其用心。不特佔我土地。直欲亡我民族。我全國上下。凜覆巢之戒。爲自衛之謀。嚴責前方將士。本守土衛國之天職。作誓死抵抗之壯舉。乃警耗傳來。以世稱天險之熱河。不逾旬而全區失陷。省主席湯玉麟貪黷顛覆。不知職守爲何物。竟放棄承德。未戰先逃。違法亂紀。莫此爲甚。應請明令褫職查辦。以正國法。東北長官張學良。才不足以勝任。智不足以燭先。平日既不修戰備。臨事復調度無方。兒戲國事。貽誤大局。亦請一併懲戒。以維綱紀。而昭炯戒。伏維垂察。上海特別市執行委員會庚印。(二)北平張漢卿同志大鑒。三省淪陷。寸土未復。熱河天險。數日而失。前者猶可諉爲外交解決。後者更將何辭以自飾。以東北土地之廣。山川險要之多。攻守之利不同。勞逸之勢亦異。縱不能犁庭掃穴。驅逐強虜。亦何至入室升堂。任人宰割。熱主席湯玉麟。貪黷顛覆。未戰先逃。早應調處異地。另委賢員。任此衝要。乃信此鬪茸宵小之人。而委以腹心干城之寄。舉措失當。調度無方。湯固罪不勝誅。同志豈亦可以未減耶。今日之事。問題仍在東北四

省。而不在平津。東北可復。則平津不保而自保。幸勿沾沾於退保平津爲得計。而使東北四省從此萬劫不復也。倘望簡率師徒。出關殺敵。收復已失之領土。固我中原之屏障。免因軍事失利而影響外交。則功過相消。猶能晚蓋。時機急迫，稍縱即逝。特電勉勵。佇候捷音。上海持別市執行委員會庚印。

市商會電責張學良

北平軍分會張代委員長鈞鑒。熱河天險。不一旬而盡入敵手。迴憶巧電。竟成兒戲。國際騰笑。海內痛憤。此後日闕。益將以吾將帥爲無人而肆其宰割。湯氏爲公舊部。耄而好利。衆心不滿。瀋陷之後。北門鎖鑰。詎可所託非人。公早當密陳中央。有以處置。卽云投鼠忌器。恐此舉堅其走胡走越之心。亦應早簡精銳。助修戰備。不使畏懦之熱軍。配置前線。予敵以隙。旣別簡任指揮。是早知湯之難膺專閫。何以所謂總指揮者。迄未身臨前敵。事急之際。尙消遙於北平後方。是誤熱者湯。而釀成湯之誤。熱兼以誤國者公也。疆事敗壞至此。公宜速謀晚蓋。以圖自贖。

。盡發精銳。別簡統帥。赴前敵以圖恢復。使敵人不得安然踞熱。以爲西窺察南窺冀之計。實爲今日急務。若僅列戍於古北喜峯。是委棄全熱。冀察亦將步其後塵矣。惟公圖之。上海市商會叩魚。

各公團電請嚴懲張學良等

南京國民政府行政院監察院軍事委員會新鄉行營將委員長鑒。曩日宣言。圖犯熱河。進窺華北。數閱月於茲矣。全國民衆。奔走憤激。有財者不惜毀其家。有力者不惜捐其生。聯盟各國仗義聲援。幾於一致。在此萬目睽睽中外屬望之際。忽以熱河前敵全線潰退聞。數日以來。文電宣傳。頗多難索解人之處。自開魯朝陽不守。凌南凌源建平赤峯爲前線。平泉爲後方。承德尤居其後。其間崇山峻嶺。相去各數百里。三日晚。承德並無一敵兵。乃四日外報。喧傳我承德平泉凌南凌源各軍。紛退古北口喜峯口冷口。夫承德爲湯玉麟坐鎮之省會。迤東平泉凌南凌源。皆張學良萬福麟重兵所駐地。維持赤峯孫殿英旅。尙在苦戰。而此主方線前後方。突然盡

撤。卽敗退亦不能如是速也。敵自東來。敗退宜由東而西。今前後方同時。由北而南。此何故也。雖宣傳戰報。掩飾多方。豈能盡蔽天下人耳目。卽退一步言。確係出於敗退。試問數十萬大兵何用。數閱月準備何爲。至若張作相身任總指揮。遷延不赴熱河。又何故也。溯自九一八以來。遼吉黑以不抵抗而失。錦州以撤兵而失。山海關九門口小戰而相繼皆失。今又以一二日間。在若有意若無意中。斷送熱河全省。有可守之天險而不守。有可用之士氣而不用。有難得之友邦助力。而率然自暴其無能。張學良輩。有何面目以對國人。我國家有何面目對世界。夫立國無法。則何以致治安。行軍無法。則何以懲敗衄。有過去之依違隱忍。致成今日。若再依違隱忍。浸假而察綏。浸假而華北。浸假而華南。中國版圖雖廣。能堪幾度敗退與斷送耶。應請政府立將張學良張作相萬福麟湯玉麟等輩。按照軍法。嚴予懲處。一面整飭各軍。扼守各關隘。同時下令前敵各軍。一律反攻。准其立功自贖。概不許退入關內。張家口多倫。在交通上尤爲重要。急宜分派重兵扼守。以防敵人西竄。張

學良輩若有天良。正宜自請嚴懲。以謝天下。吾民衆與政府。須知熱河之失。非兵士之不肯戰。非一般將領之不敢戰。其咎惟身負指揮全責之高級將領尸之。一方固痛恨未喪師先失地之罪在不赦。一方正應念及將士一心軍民合力之尙可有爲。苟國有常刑。則士皆朝氣。吾民衆仍當羣策羣方。始終合作。以圖補救桑榆於萬一。若仍依違隱忍。恐人心所激。後患方長。有非公團等所忍道者。報載蔣委員長北行。公團等集議僉同。迫切上言。惟希鑒納。全國商會聯合會。上海市商會。上海市地方協會。東北協會。東北義勇軍後援會。遼吉黑熱義勇軍後援會。上海東北難民救濟會。中華婦女救濟東北同胞協會。中華國貨維持會。上海國貨工廠聯合會。機製國貨工廠聯合會。南京路商界聯合會。上海特區市民聯合會第一區分會同叩。齊。

(二) 慰勞文電

各團體電慰孫殿英宋哲元

三 團體咸電

北平朱子老轉孫殿英軍長勳鑒。承誌不守。負罪必重。遠。

孤軍奮鬥。辛苦支撐。歲寒松柏之貞。北門鎖鑰之寄。同人欽感之餘。特匯上銀一萬元。聊表慰勞之意。惟祝努力前進。收復失地。爲民族爭光榮。同人誓爲後盾。東北難民救濟協會。東北義勇軍後援會。上海東北難民救濟會叩。咸。

北平朱子老轉宋哲元軍長勳鑒。貴部在喜峯口外。奮勇殺敵。奪回要隘。虜獲無算。挫逆敵之凶鋒。振我軍之威譽。大局轉機。繫茲一役。同人欽感之餘。特匯上銀元兩萬元。聊表慰勞之意。繼續告捷。定當隨時接濟。並已另組救護隊北上効力。惟祝努力向前。收復失地。爲我民族爭光榮。不勝翹盼。東北難民救濟協會。東北義勇軍後援會。上海東北難民救濟會叩。咸。

地方協會咸電

北平朱子老轉宋哲元軍長。孫殿英軍長。勳鑒。迭奉戰報。孫軍長於承德平泉凌源各地失陷之餘。孤軍邊遠。浴血苦戰。九死一生。僅乃獲全。宋軍長於喜峯口既陷之後。激勵將士。奪回要隘。虜獲無算。大局轉機。繫茲一役。均足爲民族光榮。遠道傳聞。欽感至於無地。除邀集東北難民救濟協會。東

北義勇軍後援會。上海東北難民救濟會。等各公團。集款匯寄。并公推顏福慶博士。隨帶藥品。並携同醫務人員。即日北行。分任救護外。特陳公意。遠致慰勞。惟祝爲國前驅。盡復失地。下風遯聽。續盼捷音。上海市地方協會叩。咸。

北京朱子老暨同仁鑒。並送後援協會熊秉三。周作民。章元善。諸公均鑒。文元各電均悉。喜峯古北各口。戰報傳來。喜懼交并。頃大會公決。推顏福慶博士。隨帶醫務人員三十人。川資五千元。十六日出發來平。以應急需。藥品一百二十件。隨即運平。餘續聞。上海市地方協會寒。酉。

汪精衛分電慰勞前方將領

(一)北平何部長敬之兄。黃部長季寬兄。楊校長耿光兄勛鑒。抗敵軍事。得兄等坐鎮平津。統籌兼顧。不勝佩慰。弟在歐聞熱耗。忽遽歸國。今晨抵京。現仍在中央黨部服務。決當從國人後。共圖規復。謹先電聞。諸容續達。(二)北平探送宋主席明軒兄。孫總指揮殿英兄。徐軍長月祥兄勛鑒。頑敵入寇。肆其貪殘。兄等迎

頭痛擊。迭奏奇勛。英風所播。中外凜然。弟在歐聞熱耗。忽忽歸國。途中得悉兄等壯烈奮鬥情形。不勝愜奮。仍祈繼續反攻。恢復國土。民族存亡。實繫於諸兄及前方諸將士之奮鬥。弟今晨抵京。仍服務中央黨部。隨國人後。共圖規後。謹先電聞。並致敬意。(三)。北平探送宋主席明軒兄商總指揮啓子兄孫總指揮殿英兄龐軍長更陳兄梁軍長冠英兄傅主席宜生兄于主席孝侯兄萬軍長壺如兄何軍長桂國兄王軍長以哲兄徐軍長月祥兄蕭軍長之楚兄均鑒。敵軍來侵。兇餘日甚。諸兄身當其衝。艱苦奮鬥。壯烈之氣。震動寰宇。銘去歲爲病魔所擾。出國療治。不得隨諸兄後。分任勞苦。歉仄無地。近聞熱邊噩耗。忽遽歸國。途中接讀戰報。得悉諸兄抗敵情形。彌深敬佩。益增慚惻。現值我民族生死關頭。全恃諸兄暨諸將士努力抵抗。死守疆土。以挽危亡。銘現服務中央黨部。誓當隨中央諸同志共同努力。團結全國力量。以爲諸兄後盾。我民族歷史光榮。全繫於今日之奮鬥。語惟垂鑒。(四)北平探送關師長麟激兄勛鑒。強敵長驅入寇。兄躬冒矢石。致負重傷。聆訊不勝感奮。萬

祈靜心調攝。冀早日痊愈。再馳前方督師。以慰三軍之望。弟忽遽返國。現已抵京服務中央。誓當隨諸同志諸將士之後。共同努力。恢復國土。謹致敬意。並祝康復。

(五)北平金城銀行周竹民先生並轉後援會諸委員先生助鑒。頑敵來侵。貧殘日肆。諸先生於危疑震撼之秋。慨然奮起。努力後援。三軍挾纊。四海從風。引領直北。無任欽慕。弟在歐聞戰耗。忽忽返國。今晨抵京。冀竭棉薄。稍補愆尤。謹先電聞。並致敬悃。(六)北平探送朱子橋先生助鑒。北方義勇軍承先生苦心維護。統御有方。協助抵抗。厥功甚偉。去冬以來。先生以高齡之身。崎嶇邊塞。顛沛於冰天雪地之中。毅力高風。中外欽仰。弟數月來爲病魔所侵。不得稍分勞苦。實深愧疚。茲聞熱耗。忽遽返國。今晨抵京。仍服務中央黨部。隨國人後。共圖規復。敬先電聞。並致慕悃。

(三)報告文電

朱慶瀾電告我軍在口外血戰殺敵

上海各團體接朱慶瀾文日三電。報告我軍在口外血戰。朝凌義軍苦戰。及負傷官兵痛苦。爲彙錄如下。(一)各團體公鑒。真日敵以大部兵力約兩師團向我宋哲元軍陸空並進。猛烈射擊。離我陣地。約四五十米。我軍沉着應戰。後以敵人迫我尤甚。我軍遂持刀衝鋒。將敵殺退。我軍今晨兩點鐘。分三路出擊。趙旅出潘家口。佟旅出董家口繞入敵人後路。白刃砍殺。斃敵三千餘人。俘虜五百餘人。得槍砲彈藥無數。現仍在繼續戰鬥中。惟我方應敵器具稍遜。除食物等由本會代表上海各團體酌量供給外。特聞。瀾文。(二)各團體公鑒。頃接東北義勇軍第七軍團一三聯台梯團司令李墉總指揮劉正宗真電報稱。查李逆振久。率僞軍謀攻魂山蕭家店。職已防備。灰日。經率張志賢。徐老品。孫杜賢。宋化民。李慶福。等二千餘名。進攻大關屯均松樹溝橫河子。擊斃日軍三十餘名。得槍十七支。大車三十五輛。真日。復清李岳兩司令。繞攻朝凌。日軍以後方空虛。紛紛逃去。民衆羣起抵抗。請鈞座火速通知前線國軍猛攻。勿失良機等語。除電軍事當局裁酌辦理外。查自熱河失

陷。隔斷交通。以致各義軍抵抗情況及佈置。此間不能明瞭。茲接李劉電陳。具悉熱邊各地義軍。仍在苦戰支持者。爲數不少。惟無法接濟。爲可慮耳。知關注念。特此電聞。朱慶瀾文成總。(三)各法團均墜。明密。連日喜峯口古北口戰爭激烈異常。血肉橫飛慘不忍觀。敵人損失極鉅。我軍士氣雖振。負傷亦多。現各路醫藥救護。均極簡單。負傷官兵。載道塞途。號呼呻吟。觸目傷情。務希提倡。迅籌醫藥。組織大規模救護隊。星夜北來工作。以慰此爲民族爭先榮之將士。無任盼切。朱慶瀾叩。文亥。

(四)抗戰文電

唐 聚 五 通 電

▲一息尙存決與奮鬥到底

▲士兵蟄伏戰溝飢卽嚼雪

上海東北義勇軍後援會。昨接東北國軍救國民救國軍總司令唐聚五微代電云。聚五

自到平後。深蒙各方援助。略事補充。即行向遼挺進。部隊甫抵朝屬。突遇日軍鈴木。僞軍王家駒。等四千人進犯。時董旅扼守朝陽。以給養缺乏。遭敵兩路夾擊。眼見不支。聚五聞訊。即馳往應援。繞至敵人背後。奮力痛擊。敵猝不爲備。大半傷亡。我亦傷亡官兵數名。旋日軍開到坦克車七輛。橫向我陣地衝鋒。飛機五架。在空中投彈掩護。加以重砲攻擊。我又與血戰四小時之久。以高射砲擊傷其飛機一架。始暫退。查此次熱河失敗。強半因給養缺乏。國軍尙如此。義軍更不堪問矣。士兵蟄伏戰溝。有一二日不得一食者。飢不可忍即嚼雪。雖如此困苦。然勇氣極其旺盛。至聚五一息尙存。決與敵奮鬥到底。相應電聞。更希頻賜援助。以便殺賊。無任感荷。此請公祺。唐聚五叩微。

朱 霽 青 通 電

▲今日有寇無我有我無寇

▲欲求民族生存惟鐵與血

東北國民救國軍指揮總監部駐滬通信處。昨接朱霽青麻電云。分送各報館轉全國同胞均鑒。本軍組織之日。卽存與暴日決死之心。今雖在強寇圍攻砲火轟擊之中。不敢畏葸。亦不敢退縮。一息尙存。此志不懼。今者。寇氣日甚。熱河不守。此我民族危急存亡之秋。亦卽我國民爲民族鬥爭之日。往者。邇家不遺。內亂頻仍。猶可誘爲個人權利之爭。無與平民之事。今則民族存亡。在此一舉。爲主爲奴。間不容髮。我祖我宗。抱荆斬棘。遺我子孫以大好河山。以生以息。何能坐視而任異族之宰割。昔九一八之變。以不抵抗而失東三省。今雖勉爲抵抗。處處被動。寇得先機。防之不暇。不戰卽潰。况前尙有一部將領平日以扣餉擾民爲能事。臨時張皇失措。寇未至而先遁。致全軍皆受牽動。我國民應請政府激勵士心。嚴申軍法。長守爲攻。與寇殊戰。須知今日之事。有寇無我。有我無寇。欲求民族之生存。惟鐵與血。望我國民共懷民族之危機。奮起急圖之。朱霽青。麻。

(五)下野文電

張學良通電下野

各報館轉全國同志均鑒。余父與余歷以保持中國在東北之主權爲己任。余父且以身殉焉。迨余就任以後。仍本先父遺志。始終以鞏固中央統一中國爲職志。兢兢業業。未嘗或渝。卽如不顧日本之公開恫嚇而易幟。輔導國民黨在東北之活動。與夫民國十九年秋。余奉命入關。擁護中國統一。凡此種種。事實俱在。蓋余深信惟健全政府。然後可以禦外侮也。九一八之變發生。余正臥病在平。初以訴諸國聯。必張公道。及今日軍侵熱。余奉命守土。乃率師整旅。與敵周旋。接戰以來。將士效命者。頗不乏人。無論事之成敗若何。然部下之爲國犧牲者。已以萬計。知此次蔣公北來。會商之下。益覺余今日之引咎辭職。及所以效忠黨國。鞏固中央之最善方法。故毅然下野。以謝國人。惟眷念多年袍澤。東北之健兒。孰非國家之將士。

十九年奉命率兵入關。援助中央。於今國難未已。國土未復。無家可歸者數萬人。但盼中央俯察彼等勞苦。予以指導。並請社會人士。加以援助。彼等爲國爲鄉。皆抱熱誠。並熟悉東北情形。僅遇報國之機。加以使用。俾得爲收復東北之效命。遂其志願。免於飄泊。於願斯足。並盼國人鑒於誠悃。諒余庸愚。雖愆尤叢脞。而余本心祇知爲國。餘皆不復自計也。張學良叩真。

(六) 航空救國

航空協會敬告國人書

自本會成立伊始。各方競致期許。舉國悉予援助。雖徵求會員。爲時曾不逾旬。而成績斐然。彌深自慰。願以承德淪陷。華北垂危。少數熱血之士。驟睹一二悍帥逃將之輕委國土貽羞國際也。則相率趨於絕望的深淵。以爲國事如此。吾其獨善以終乎。嗚呼。充以自暴自棄的心理。直足以自蝕其國脈而有餘。而謂吾愛國之民

衆。其願自茲淪胥以終乎。夫熱河固何自而淪陷耶。謂由於主將之畏葸。準備之全無。運輸之不便。交通之阻滯。此其論是矣。然使平情以思。則知敵我軍力懸殊。我唯恃太古式組織。而敵則富近代的利器。我唯恃陸軍之勇。而敵則以空軍之力。制我陸軍之命。他姑不論。彼馳驟縱橫越崇山跨峻嶺偵我軍情。毀我陣地屠我同胞。墮我士氣者。非彼敵機之肆虐。足令我忠勇健兒奔命爲勞飲恨以終者耶。嗚呼。使我國人睹承德之陷。而自茲嗒然若喪。不復踴躍輸將以襄我航空國防之盛也。則行見承德之禍。不接踵且遍於國中。輿念及此。能毋股慄。抑不僅應付一時之國難已也。吾人生當茲世。生既不能無國。國斯不可無防。而空防者。則固最新的國防之利器。最善的自衛之要具也。吾人不可一日無國家。斯吾人不能一日無空防。過去防空之無組織。已使吾人失三省而陷熱河矣。使時至今日。而猶長爲空的無抵抗之國民。爲問吾民命吾國脈。其能自茲而永固否乎。此嚴重之問題。所願吾舉國同胞有以深思而熟慮者也。本會以目擊淞滬殊痛。急起救亡而組織。而今茲徵求會員。乃

適承關外淪胥。承德告陷之秋。緬懷國難。益自感奮。今舉國皆悲憤之氣。陸軍盡可戰之兵。誠得萬衆一心。航空救國。人人加入爲本會會員。則航空國防基礎鞏固之日。亦卽吾空前國難豁然告紓之秋。時不我與。願共奮起。最後本會。尤有不能已於言者。本會爲民衆自動之組織。雖政府嘉其職志。爲之延聘管事。予以監督。然會務進行。旣一本諸本會之自主。而所收會費。復由本會給據爲憑。收集之後。由本會保管委員會負責保管。而保管委員會。則由本會理事及各界名流合組而成。以後本會如何動用款項。如何發展事業。以及如何獻助政府。皆由本會視衆意之所在。自動處置。政府旣無借箸代籌之心。款項自盡涓滴歸公之利。各界人士。幸共鑒之。

市場

0.50

中華民國廿二年

二十九
軍戰史

五百元血戰殺敵記

每部定價大洋四角

版權
所有

編輯者	逸 廬 潘 街
校訂者	中華新教育社
出版者	華北戰事新聞社
印刷者	上海哈同路慈厚南里 南國印刷所
發行者	上海愛而近路德潤坊 中華新教育社
分售處	本外埠各書局